



湘鄉 蕭智漢雲澤氏纂輯

男秉信明甫氏校

上聲 四紙

水邱氏

見姓譜望出吳興漢水邱岑圍人北海相董宣門下書
佐官至司隸校尉水邱崇司隸校尉五伐水邱昭券臨
安人性沉厚知書能文章事吳越王佐為內都監使宋
水邱表臨安人寶慶進士水邱谷龍臨安人紹熙進士
明水邱進永樂中浙江舉人台州人水邱曦永樂中浙
江舉人台州人

市南氏

市南宜僚楚人見左傳亦見莊子

氏姓譜

卷百五十二

四紙

水邱氏至
子昭氏

倚相氏

楚左史倚相之後威王時有倚相季文為士官

子服氏

姬姓魯桓公之子公子慶父元孫孟懿伯字子服其後

以為氏

歷代名賢

周

子服惠伯名湫字孟椒它之子也

子服昭伯名回孟椒子也

子服景伯名何昭伯子也哀三年桓宮僖宮災子服景伯

至命宰人出禮書以待命命不共有常刑較人乘馬巾車

脂轄百官官備府庫慎守官人肅給濟濡帷幕鬱攸從之

蒙葦公室自太廟始外內以悛助所不給有不用命則南

常刑無赦七年公會吳于鄆吳來徵百牢子服景伯對曰
先王未之有也吳人曰宋百牢我魯不可以後宋且魯牢
晉大夫過十吳王百牢不亦可乎景伯曰晉范鞅貪而棄
禮以大國懼敝邑故敝邑十一牢之君若以禮命于諸侯
則有數矣若亦棄禮則有淫者矣周之王也制禮上物不
過十二以爲天之大數也今棄周禮而曰必百牢亦唯執
事吳人弗聽景伯曰吳將亡矣棄天而背本不與必棄疾
于我乃與之季康子欲伐邾乃饗大夫以謀之子服景伯
曰小所以事大信也大所以保小仁也昔大國不信伐小
國不仁民保於城城保於德失二德者危將焉保孟孫曰
二三子以爲何如惡賢而逆之對曰禹合諸侯於塗山執
玉帛者萬國今其存者無數十焉惟大不字小小不事大
也知必危何故不言魯德如邾而以衆加之可乎不樂而

氏姓譜

卷百五十二

四紙

子服氏

一

出秋季氏伐邾以邾子益來獻於亳社邾茅夷鴻請救於
吳明年吳師伐魯國人懼孟懿子謂景伯曰若之何對曰
吳師來斯與之戰何患焉且各之而至又何求焉吳師克
東陽而進舍于五梧明日舍于蠶室公賓庚公甲叔子與
戰于夷獲叔子與析朱鉏明日舍于庚宗遂次于泗上微
虎欲宵攻王舍私屬徒七百人三踊于幕庭卒三百人有
若與焉及稷門之內或謂季孫曰不足以害吳而多殺國
士不如已也乃止吳子聞之一夕二遷吳人行成將盟景
伯曰楚人圍宋易子而食折骸而饜猶無城下之盟我未
及虧而有城下之盟是棄國也吳輕而遠不能久將歸矣
請少待之弗從景伯負載造于萊門乃請釋子服何於吳
吳人許之以王子始曹當之而後止吳人盟而還十二年
公會晉侯及吳子于黃池吳人將以公見晉侯景伯對使

子吳有豐於晉無不及焉以爲伯也今諸侯會而君將以
蒙君見晉君則晉成爲伯矣敝邑將改職貢魯賦於吳八
百乘若爲子男則將半都以屬于吳而加邾以事晉且執
事以伯名諸侯而以侯約之何利之有焉吳人乃止既而
檮之將囚景伯景伯曰何也立後于魯矣將以二乘與六
人從遲速唯命遂囚以還及戶牖謂太宰嚭曰魯將以十
月上辛有事于上帝先王季辛而畢何世有職焉自襄以
來未之改也若不會祝宗將曰吳實然且謂魯不共而執
其賤者七人何損焉太宰嚭言于王曰無損于魯而祇爲
名不如歸之乃歸景伯齊閭邱來盟景伯戒宰人曰陷而
入於恭閔馬父笑景伯問之對曰笑吾子之大滿也昔正

氏姓譜

卷百五十二

四紙

子服氏至

二

考父校商之名頌十二篇於周太師以那爲首其輯之亂
曰自古在昔先民有作溫恭朝夕執事有恪先聖之傳恭
猶不敢專稱曰自古古曰在昔昔曰先民今吾子之戒吏
人曰陷而入於恭其滿之甚也周恭王能庇昭穆之闕而
爲恭楚恭王能知其過而爲恭今吾子之教官僚曰陷而
後恭道將何爲

子家氏

姬姓魯莊公之孫公孫歸父字子家其後爲子家氏

子桑氏

魯大夫子桑伯子之後秦公孫枝字子桑其後氏焉子

桑雱見莊子

子叔氏

姬姓魯文公之子公子叔肸之子爲子叔氏

子車氏

見詩經

歷代名賢

同

子車奄息與仲行鍼虎三人皆秦之良也穆公卒以三良殉葬國人賦黃鳥詩以哀之

子孟氏

姬姓魯公子子孟之後子孟卿齊簡王時大夫

子我氏

姬姓魯叔孫成子生申字子我因氏焉子我封人衛大夫

子有氏

魯有子有善祥見禮記宋有若是也又朱有子有恭叔

氏姓譜

卷百五十二

四紙

子車氏至

四

亦為有氏

子玉氏

姬姓衛大夫子玉霄之後子玉房秦穆公時大夫

子伯氏

姬姓衛大夫子伯季之後子伯先子夏門人魏人居西河

子師氏

左傳鄭有子師僕漢有比平太守子師磐

子儀氏

左傳子儀克宋桓司馬之臣

子泉氏

姜姓世本齊頃公之子公子漱字子泉之後子泉提齊

大夫見新序

子獻之後風俗通云齊大夫子獻
之後子獻盜楚文王精爲大夫

子尚氏

嬌姓世本陳僖公生廩邱子尚意茲因氏焉國語子納
伯父邨大夫

子行氏

子行敬子衛大夫

子建氏

芊姓楚太子建之後子建叔子頃襄王時爲大夫

子午氏

芊姓楚公子午之後子午明齊大夫

靡父氏

氏姓譜

卷百二十二

四藏

子獻氏至

五

漢靡父樂陽靡父中孺

上思氏

古今人表士思齊晉人士思卜鄭人士思穆秦將軍

綺里氏

漢商山四皓綺里季之後

士孫氏

漢書平陵士孫張生仲徹長安令裔孫睦後漢宏農太
守生瑞

歷代名賢

漢

士孫張字仲方平陵人從五鹿充宗受梁邱易爲博士至
揚州牧光祿大夫給事家中家世傳業

士孫瑞字君榮撲風人世爲學門瑞傳家業博達無所不

遷大司農爲國二

張喜等爲公皆辭拜讓瑞天子都許追論瑞功封子萌澹

津亭侯萌字文始亦有才學與王粲善臨富就國察作詩

以贈萌

士孫奮字景卿扶風人少爲郡五官掾得錢貲至一億十

千萬富聞京師

士孫天與扶風人武功太守封開國男

癸比氏

女爲舜妃

子士氏

姬姓魯桓公之後叔孫氏之裔也叔孫成子爲子士氏

亦爲叔孫氏

氏姓譜

卷百五十二

四紙

士孫氏至

六

子言氏

姬姓魯季平子生昭伯字子言其後爲氏

子仲氏

姬姓風俗通魯宣公子仲之後見毛詩

子羽氏

姬姓晉公族子羽之後爲楚隨邑大夫

子南氏

衛靈公之子公子郢之後爲子南氏鄭穆公之孫公孫

楚之後爲子南氏姬姓也楚莊王之子公子追舒之後

爲子南氏芊姓也

子齊氏

姬姓魏公族

子國氏

鄭子人九之後

子孔氏

姬姓鄭公子嘉字子孔之後

子游氏

姬姓鄭公子偃字子游之後

子駟氏

姬姓鄭公子駟字子駟之後

子哲氏

姬姓鄭公孫思字子哲之後

子豐氏

姬姓鄭公子去疾字子豐之後

氏姓譜

卷百五十二

四紙

子罕氏至

七

子人氏

鄭子人九之後

子革氏

世本宋司城子革之後又曰季平子支孫亦爲子革氏

子旗氏

姜姓齊惠公會孫欒旆字子旗之後

子乾氏

姜姓世本齊公子都字子乾之後

子工氏

姜姓世本齊頃公之子公子子工之後

子襄氏

姜姓齊惠公之子公子子襄之後

子雅氏

姜姓齊惠公之孫公孫寵字子雅之後

子尾氏

姜姓齊惠公之孫公孫董字子尾之後

子臧氏

姬姓惠公子欣字子臧之後

子華氏

韓有子華子因以為氏焉

子州氏

見莊子辯讓天下于子州支伯子州支伯曰子適有階

憂之病方且理之未暇理天下

子占氏

世本陳桓子生書字子占之後

子鞅氏

氏姓譜

卷百五十二

四紙

子尾氏至

八

姬姓陳僖公生簡子齒為子鞅氏

子芒氏

姬姓陳僖公生盈字子芒之後

子禽氏

姬姓陳僖公生惠子子得為子禽氏

子輿氏

姬姓陳桓公生子石難為子輿氏

子寤氏

姬姓陳湣公生宣子其後為子寤氏

子相氏

姬姓陳桓公生子輿為子相氏

子夏氏

姬姓陳公子少西字子夏為子夏氏

子崇二
姬媯諱直公生子楚其後

干榜氏
見媯苑

子庚氏
芊姓楚公子午字子庚其後以王父字為氏

子季氏
芊姓楚公族也

子陽氏
姬姓魯公族有子陽者其後以王父字為氏

子西氏
芊姓楚公子申字子西之後

氏姓譜

卷五十二

四紙

子宋氏至九

芊姓楚公子嬰齊字子重之後

子期氏
芊姓楚公子結字子期之後

子囊氏
芊姓楚公子貞字子囊之後

子然氏
姬姓鄭公子然之後

子郢氏
姬姓衛公子郢之後

子蕩氏
子姓宋桓公之子公子蕩之後

士丐氏
姬姓晉士氏之子士丐之後

士季氏

姬姓晉士氏之子士季生渥濁為士季氏見姓氏英賢傳

士吉氏

姬姓晉士蔣生吉為士吉氏

士蔣氏

姬姓晉隱叔為士氏之祖士蔣其子也為晉士官故以

為氏

士貞氏

晉康公支子士貞之後見穀梁

史晃氏

衛史晃之後

史葉氏

氏姓譜

卷百五十二

五

駐季

十

姬姓釋例云衛頃侯之後公子史食采于葉因氏焉左傳作史華

士成氏

莊子有士成綺

比人氏

見姓譜漢比人交四門博士桓帝時人

子楊氏

姬姓世本季桓子生穆叔其後為子楊氏

上聲

五尾

尾勺氏

左傳商人六叔有尾勺氏

人氏

有國人舉魯人

褚師氏

不共工子子石為褚師因氏焉左傳褚師市官蓋以官為氏也衛有大夫褚師圃亦為褚氏

歷代名賢

褚

褚師段字子石共公之子平公二十三年魯季孫宿來聘段逆之以愛享賦棠棣之七章

褚師子肥為大夫事景公景公三十年公伐曹將還子肥殿曹人詬之殿兵不行曹師待之公聞之怒命反遂滅曹

余朱氏

氏姓譜

卷五十二

六語

雜季氏至

十一

其先契胡部落大人世為酋師居余朱川因為氏余朱榮等分裂天下各據一方賞罰自出專恣橫行酷暴無比故不錄

歷代名賢

余

余朱敞字乾羅比秀容人也父彥伯之誅敞小隨母養于中街見童兒羣戲敞解所著綺羅金翠服易衣而遁追騎至不識敞便執綺衣兒比究問如非會曰已暮由是免遂入一村見長孫氏媼踞胡床坐敞再拜求哀長孫氏愍之藏于複壁之中購之愈急追且至長孫氏賞而遣之遂詐為道士變姓名隱嵩高山略涉經史數年問人頗異之嘗獨坐巖石下恣然嘆曰吾豈終此乎伍子胥獨何人也乃奔長安周文帝見而禮之非行

臺郎中盧壽縣伯保定中選開府儀同三司進爵爲公後
爲膠州刺史迎長孫氏至其第置于家厚資給之隋文帝
受禪改封邊城郡公黔安蠻叛命敏討平之師旋拜金州
總管後以年老乞骸骨賜二馬輅車歸河內卒于家子最
嗣

唐

朱洞其先出于元魏朱族遇異人得道唐僖懿間落
魄成都市中于江濱取白石投水衆莫測後自果至合賣
丹于市價十二萬刺史名問其直更增十倍以其反覆盛
以篋籠棄諸江至涪州漁人姓石者得之授以丹二人俱
仙去張商英爲作傳

明

朱欽字敬伯富平人中鄉試第一洪武四年進士是年

氏姓譜

卷百五十二

六語

朱氏至
呂晉氏

皇祖親製策問試以敬天勤民之道欽對稱旨卽銓蒲圻
丞

巨毋氏

見王莽傳有巨毋霸身長一丈腰大十圍欲奮擊胡虜
自謂巨毋霸王莽聞惡之更其姓曰巨毋氏譜因文母
太后而霸土符也師古曰莽字巨君若言文母出此人
使我致霸王

楚邱氏

新序楚邱先生孟嘗君時人

呂子

虞夏春秋時楚滅之子孫以呂子爲氏

巨相氏

不韋去四百里其人子孫以爲

焉

呂晉氏

漢呂晉次和中山人鉅鹿郡

上聲

宇文氏

出自匈奴南單于之裔有葛烏兔為鮮卑君長世襲大
人至普回因獵得玉璽自以為天授也俗謂天子為宇
文因號宇文氏或云神農氏為黃帝所滅子孫遁居北
方鮮卑俗呼草為伊莎以神農有嘗草之功因自號俟
紇氏其後音訛遂為宇文氏普回子莫那自陰山徙居
遠西至後周追諡曰獻侯獻侯生可地汗號莫何單于
闡地西出玉門東踰澆水孫贊撥普撥生邱不勤邱不
勤生莫珪莫珪生遜呢延遜呢延生佚豆歸自稱大單
于為慕容晃所滅生六子一曰拔拔陵陵二曰拔拔瓌

氏姓譜

卷百五十二

七虞

宇文氏

七

三曰紇闞四曰目原五曰紇闞侯直六曰目陳拔拔陵
陵號阿若諺仕後魏都牧主開府儀同三司安定忠侯
以豪傑徙居代州武川生糸位至內阿干二子韜阿頭
韜三子肱顓泰泰後周太祖文皇帝阿頭生仲贈大司
徒虞公生幽襲虞公生洛目原孫跋後魏羽真尚書居
庸侯生直力勤比部尚書直力勤生賢又有費也頭氏
臣屬鮮卑佚豆歸後從其主亦稱宇文氏仕後魏世為
沃野鎮軍主元孫盛

歷代名賢

南北

宇文福其先南單于之遠屬也世為擁部大人祖活撥仕
慕容垂為唐郡內史遼東公道武之平慕容氏活撥入魏
為第一客福少驍果有膂力太和初累遷都牧給事及遷

洛救福檢牧馬所福規石濟以西河內以東拒黃河南北千里爲牧地今之馬塲是也及徙代移雜畜牧於其所福善於將養並無損耗孝文嘉之尋補司衛監後以勲封襄樂縣男歷位太僕卿都官尙書營州大中正瀛州刺史性忠清在公嚴毅以信御人甚得聲譽後除都督懷朔沃野武川三鎮諸軍事懷朔鎮將至鎮卒諡曰貞惠

宇文延字慶壽福子也體貌魁岸眉目疎朗位員外散騎侍郎以父老詔聽隨侍在瀛州屬大彙祚黨突入州城延率奴客逆戰身被重創賊縱火燒齋閣福時在內延突火入抱福出外支體灼爛鬢髮盡焦於是勒衆與賊苦戰賊乃散走以此見稱累遷直寢與万俟醜奴戰沒

宇文弼字公輔河南洛陽人也其先與周同出祖直力勤

魏鉅鹿太守父珍周宕州刺史弼慷慨有大節博學多通

七虞 宇文氏

古

仕周嘗奉使鄧至國及黑水龍涸諸羌前後降附三十餘部及還奉詔修定五禮書成奏之賜田二頃粟百石累遷小吏部擢入人爲縣令皆有異績世稱爲知人轉內史都上士武帝將謀出兵河陽以伐齊弼進策曰齊氏建國于今累世雖曰無道尙有其人今若用兵須擇其地河陽要衝精兵所聚盡力攻圍恐難得志彼汾之曲戍小山平攻之易拔用武之地也帝不納師竟無功建德五年大舉伐齊卒用弼策于是募三輔豪俠少年數百人爲別隊從帝攻拔晉州身被三窟苦戰不息帝奇而壯之因從平齊以功拜上儀同封武威縣公宣帝嗣位爲司廟大夫時突厥寇甘州帝令侯莫陳昶擊之弼謂監軍曰宜選精騎直趨

所連之西賊若收葷必自蓼永之比此 險隘兼下濕度 其人馬三日方度 我必 必矣 遂此路 填上策

也昶不能用西取合黎大軍行遲虜已出塞其年敬又從
梁士彥攻拔壽陽改封安樂縣公除滑州刺史轉南司州
刺史司馬消難之奔陳敬追之不及遇陳將樊毅戰于漳
口自旦及午三戰三捷除黃州刺史轉南定州刺史開皇
初以前功封平昌縣公入爲尚書左丞時西羌內附詔敬
持節安集置鹽澤蒲昌二郡而還遷左丞當官正色爲百
寮所憚三年突厥寇甘州以行軍司馬從元師竇榮定擊
破之還除太僕少卿轉吏部侍郎平陳之役楊素出信州
道令敬持節爲諸軍節度仍領行軍總管劉仁恩之破陳
將呂仲肅也敬有謀焉加開府擢拜刑部尚書領太子虞
侯率上嘗親臨釋奠敬與博士論議詞致清遠上大悅謂
羣臣曰朕今觀周公之制禮見宣尼之論孝實慰朕心時
朝廷以晉陽爲重鎮并州總管必屬親王其長史司馬亦

氏姓譜

卷五十二

七虞

宇文氏

五

一時高選前長史王韶卒以敬有文武幹用出爲并州長
史十八年遼東之役授元帥漢王府司馬仍領行軍總管
軍還歷朔代吳三州總管皆有能名煬帝卽位拜刑部尚
書仍持節巡省河北還除泉州刺史復徵拜刑部尚書轉
禮部然敬旣以才能著稱歷職顯要聲望甚重物議多見
推許帝頗忌之時帝漸好聲色尤勤遠畧敬謂高頰曰昔
周天元好聲色亡國以今方之不亦甚乎又言長城之役
幸非急務有人奏之坐誅天下寃之所著辭賦二十餘萬
言爲尚書孝經注行于世有子儉瑗

宇文貴字永貴其先昌黎大棘人也徙居夏州父莫豆干
保定中以貴著勲追贈柱國大將軍少傅夏州刺史安平
郡公貴母初孕貴夢有老人抱一兒授之曰賜爾是子俾
壽且貴及生形類所夢故以永貴字之貴少從師受學嘗

輟書嘆曰男兒當提劍汗馬以取公侯何能如先生爲博
士也正光末破六汗拔陵圍夏州刺史源子雍嬰城固守
以貴爲統軍救之前後數十戰軍中咸服其勇後送子雍
還賊帥叱于麒麟薛崇禮等處處屯聚出兵邀截貴每奮
擊輒破之除武騎常侍又從子雍討葛榮軍敗奔鄴爲榮
所圍賊屢來攻貴每縋而出戰賊莫敢當其鋒然兇徒寡
繁圍久不解貴乃于地道潛出北見余朱榮陳賊兵勢榮
深納之因從榮擒葛榮于滏日加別將又從元天穆平邢
泉轉都督元顥入洛貴率鄉兵從余朱榮焚河橋力戰有
功加征虜將軍封革融縣侯邑一于戶除郢州刺史入爲
武衛將軍闕內大都督從魏孝武西遷進爵化政郡公大
統初遷右衛將軍貴善騎射有將率才周文帝又以宗室
甚親委之三年進車騎大將軍儀同三司與獨孤信入洛

氏姓譜

卷百五十二

七虞

宇文氏

十六

陽東魏潁川刺史賀若統據潁川來降東魏遣其將堯雄
趙育是云寶率衆二萬攻潁貴自洛陽率步騎二千救之
軍次陽翟雄等已度馬橋去潁川三十里東魏行臺任祥
又率衆四萬餘與雄合入潁川雄等稍前貴率千人皆北
爲陳與雄合戰貴馬中流矢乃短兵步鬪士衆用命雄大
敗輕走趙育于陳降獲其輜重俘萬餘人盡放令還任祥
聞雄敗遂不敢進尋而儀同怡峯率騎五百赴貴貴乘勝
逼祥祥退保宛陵追及之會日暝結陳相持明且合戰俘
斬甚多祥軍旣敗是云寶亦降師還魏文帝在天遊園以
金卮置侯上命公卿射中者卽以賜之貴一發而中帝笑
曰由基之妙正當爾耳進侍中驃騎大將軍開府儀同三
司歷夏歧二州刺史十六年遷中外府左長史進位大將
軍宕昌王梁彌定爲宗人僚甘所逐遂來奔又有羌酋傍

後漢有渠... 者十餘所問文令
貫與豆腐... 史寧討之貴等擒斬... 及五醜史寧又別
擊... 乃納彌定并于渠... 岷州朝廷美其功
遂于渠... 以紀其績... 廢帝初出爲岐州刺史二年
授大都督與西... 等六州諸軍事與州刺史先是與州氏
反自貴至州人情稍定貴表請于梁州置屯田數州豐足
三年詔貴代尉遲迥鎮蜀時隆州人開府李光賜反于鹽
亭與其黨帛玉成寇食堂... 蒲皓馬術等攻圍隆州州
人李祜亦聚眾反開府張... 舉兵應之貴乃命開府叱奴
與救隆州又令開府成亞... 擊祜及遁勢蹙遂降執送京師
除都督益潼等八州諸軍... 事益州刺史比加小司徒先是
蜀人多劫盜貴乃召任... 使傑健者署爲遊軍二十四部令

氏姓譜

卷百五十二

七虞

宇文氏

七

其督捕由是頗息周孝閔帝踐阼進位柱國拜御正中太
夫武成初與賀蘭祥討吐谷渾軍還進封許國公邑萬戶
舊爵迴封一子遷大司空治小冢宰歷大司徒遷太保貴
好音樂耽奕碁留連不倦然好施愛士時人頗以此稱之
天保之末使突厥迎皇后天和二年還至張掖薨贈太傅
諡曰穆子善嗣歷位開府儀同三司大將軍柱國洛州刺
史以罪免尋復本官除太宗伯大象末進位上柱國
宇文測字澄鏡周文帝之族子也高祖中山曾祖豆頰祖
麒麟父永仕魏位並顯達測性沈密少篤學每旬月不窺
戶漏起家奉朝請殿中侍御史累遷司徒右長史安東將
軍尙宣武女陽平公主拜駙馬都尉及魏孝武疑齊神武
有異圖詔測詣周文帝言令密爲之備周文見之甚歡使
遷封廣川縣伯邑五百戶尋從孝武西遷進爵爲公周文

爲丞相以測爲右長史軍國政事多委任之又令測詳定宗室昭穆遠近附于屬籍除通直散騎常侍黃門侍郎大統四年拜侍中長史六年坐事免尋除使持節驃騎大將軍開府儀同三司大都督行汾州事測政存簡惠頗得民和地接東魏數相鈔竊或有獲其爲寇者多縛送之測皆命改縛置之賓館然後引與相見加客禮焉仍設酒餽宴勞放還其國并給糧餼衛送出境自是東魏人大慙乃不爲寇汾晉之間各安其業兩界之民遂通慶弔不復爲仇讐矣時論稱之方於羊叔子或有告測與外境交通懷二心者周文怒曰測爲我安邊吾知其無貳志何爲間我骨肉生此貝錦乃命斬之仍許測以便宜從事八年加金紫光祿大夫轉行綏州事每歲河冰合後突厥卽來寇掠先是常預遣居民入城堡以避之測至皆令安堵如舊乃于

氏姓譜

卷百五十二

七

七 豐 宇文氏

六

要路數百處並多積柴仍遠斥候知其動靜是年十二月突厥從連谷入寇去界數十里測命積柴之處一時縱火突厥謂有大軍至懼而遁走自相蹂踐委棄雜畜及輜重不可勝數測徐率所部收之分給百姓自是突厥不敢復至測因請置戍兵以備之十年徵拜太子少保十二年十月卒于位時年五十八周文傷悼親臨勸焉仍令水池公護監護喪事贈本官謚曰靖測性仁恕好施與衣食之外家無蓄積

宇文深字叔干測弟也性鯁正有器局年數歲便累石爲營伍并折草作旌旗布置行列皆有軍陣之勢父永遇見之乃大喜曰汝自然如此子後必爲名將至永安初起家

武書郎時羣盜蜂起深屢言馬事余亦榮雅知重之拜厲

武書郎時羣盜蜂起

深屢言馬事余亦榮雅知重之拜厲

武書郎時羣盜蜂起

齊神武舉兵入洛孝武西遷既事起倉卒人多逃散深撫循所部並得入關以功賜爵長樂縣伯周文以深有謀畧欲引致左右圖議政事大統元年乃啓爲丞相府主簿加朱衣直閣尋轉尚書直事郎中及齊神武屯蒲坂分遣其將竇泰趣潼關高敖曹圍洛陽周文將襲泰諸將咸難之周文乃隱其事陽若未有謀者而獨問策于深對曰竇氏歡之驍將也頑凶而勇戰亟勝而輕敵歡每仗之以爲禦侮今者大軍若就蒲坂則高歡拒守竇泰必援之內外受敵取敗之道也不如選輕銳之卒潛出小關竇性躁急必來決戰高歡持重未卽救之則竇可擒也既虜竇氏勢自沮回師禦之可以制勝周文喜曰是吾心也軍遂行果獲泰而齊神武亦退深又說周文進取宏農復克之周文大悅謂深曰君卽吾家之陳平也是冬齊神武又卒大眾

氏姓譜

卷五十二

七虞

宇文氏

九

渡河涉洛至于沙苑諸將皆有懼色唯深獨賀周文詰之曰賊來克斥何賀之有對曰高歡之撫河北甚得衆心雖乏智謀人皆用命以此自守未易可圖今懸師度河非衆所欲唯歡耻失竇氏復諫而來所謂忿兵一戰可以擒也此事昭然可見不賀何爲請假深一節發王罷之兵邀其走路使無遺類矣周文然之尋而大破齊神武軍如深所策四年從戰河橋六年別監李弼軍討白額稽胡並有戰功俄進爵爲侯歷通直散騎常侍東雍州別駕使持節大都督東雍州刺史深爲政嚴明示民以信抑挫豪右吏民懷之十七年入爲雍州別駕魏恭帝二年進車騎大將軍儀同三司孝閔帝受禪進位驃騎大將軍遷吏部中大夫武成元年除幽州刺史轉軍司馬保定初除京兆尹入爲司會中大夫深少喪父事兒甚謹性多奇譎好讀兵書既

在近侍每進籌策及在選曹頗獲時譽性仁愛情隆宗黨從弟神譽神慶幼孤深撫訓之義均同氣世亦以此稱焉天和三年卒于位贈使持節少師恒雲蔚三州刺史諡曰成康子孝伯

宇文虬字樂仁代武川人也性驍悍有膽畧少從軍征討累有戰功魏永安中除征虜將軍中散大夫加都督魏孝武初從獨孤信在荊州破梁人于下遂遂平歐陽鄧城虬俘獲甚多又攻南陽廣平二城擒郡守一人以功加安西將軍銀青光祿大夫邑九百戶及孝武西遷以獨孤信爲行臺信引虬爲帳內都督破田八能及擒東魏荊州刺史辛纂虬功居多尋隨信奔梁大統三年歸關朝廷論前後功增邑四百戶進爵爲公擒竇泰復宏農及沙苑河橋之戰皆有功增邑八百戶十一年出爲南秦州刺史進驃騎

氏姓譜

卷五十二

七虞 宇文氏

二十

大將軍開府儀同三司追論斬辛纂功增邑一千戶十七年與大將軍王雄征上津魏興等並平之又于白馬與武陵王蕭紀將楊乾運戰破之虬每經行陣必身先伍故上下同心戰無不克尋而魏興伍故叛虬又與王雄討平之俄除金州刺史進位大將軍後以疾卒

宇文神舉周文帝之族子也高祖晉陵曾祖求男仕魏位竝顯達祖金殿魏鎮遠將軍兗州刺史安吉縣侯父顯和少而襲爵性矜嚴頗涉經史臂力絕人彎弓數百斤能左右馳射魏孝武之在藩也顯和早蒙眷遇時屬多難嘗問計于顯和顯和具陳宜杜門晦迹相時而動孝武深納焉及卽位擢授冠軍將軍閣內都督封城陽縣公邑五百戶孝武以顯和藩邸之舊遇之甚厚時顯和所居宅隘陋乃撤殿省賜爲寢室其見重如此及齊神武專政帝每不自

安謂顯和曰天下洵洵將若之何對曰當今之計莫若擇善而從之因誦詩云彼美人兮西方之人兮帝曰是吾心也遂定入關之策帝以顯和母老家累又多令預爲計對曰今日之事忠孝不可竝立然臣不密則失身安敢預爲私計帝愴然改容曰卿卽我之王陵也遷朱衣直閣閣內大都督改封長廣縣公邑一千五百戶從帝入關至澹水周文素聞其善射而未之見也俄而水傍有一小鳥顯和射而中之周文笑曰我知卿工矣其後引爲帳內大都督俄出爲持節衛將軍東夏州刺史以疾去職深爲吏民所懷尋進車騎大將軍儀同三司加散騎常侍魏恭帝元年卒時年五十七周文親臨之哀動左右建德二年追贈使持節驃騎大將軍開府儀同三司延州綏三州諸軍事延州刺史神舉早歲而孤有夙成之量族兄安化公深器異

氏姓譜

卷百五十二

七虞

宇文氏

三

之及長神情倜儻志畧英瞻眉目疎朗儀貌魁梧有識欽之莫不許以遠大明帝初起家中侍上士帝留意翰林而神舉雅好篇什帝每有遊幸神舉恒得侍從保定元年襲爵長廣縣公邑二千三百戶尋授帥都督遷大都督使持節車騎大將軍天和元年遷右官伯中大夫進爵清河縣公增邑一千戶武帝將誅晉公護也神舉得預其謀建德元年遷京兆尹三年出爲熊州刺史神舉威名素重齊人甚憚之五年攻拔齊陸渾等五城及武帝東伐詔神舉從軍并州平卽授并州刺史加上開府儀同大將軍州暨齊氏別都控帶要重平定甫爾民俗澆訛豪右之家多爲姦猾神舉勵精爲治示以威恩旬月之間遠邇悅服尋加上大將軍改封武德郡公又改封東平郡公增邑通前六千九百戶所部東壽陽縣土人相聚爲盜率其黨五千人來

襲州城神舉以州兵討平之宣政元年轉司武上大夫武帝親戎北伐令神舉與原國公如願等率兵五道俱入武帝至雲陽疾甚乃班師幽州人盧昌期祖英伯等聚眾據范陽反詔神舉率兵擒之齊黃門侍郎盧思道亦在反中賊平見獲解衣將伏法神舉素欽其才名乃釋而禮之卽今草露布其待士禮賢如此屬稽胡反叛入寇西河神舉又率眾與越王盛討平時突厥與稽胡連和遣騎赴救神舉以奇兵擊之突厥敗走稽胡于是款服卽授并潞肆石等四州十二鎮諸軍并州總管初神舉見待于武帝遂處心腹之任王軌宇文孝伯等屢言皇太子之短神舉亦頗與焉及宣帝卽位荒淫無度神舉懼及于禍懷不自安初定范陽之後威聲甚振帝亦忌其名望兼以宿憾遂使人齎鴆酒賜之薨于馬邑時年四十八神舉偉風儀善辭令

氏姓譜

卷百五十二

七虞

宇文氏

三

傅涉經史性愛篇章九工騎射臨戎對寇勇而有謀莅職當官每著聲績兼好施愛士以雄豪自居故得任兼文武聲彰中外百僚無不仰其風則先輩舊齒至于今而稱之子同嗣位至儀同大將軍神舉弟神慶少有壯志武藝絕倫大象末位至柱國汝南郡公

宇文孝伯字胡三吏部安化公深之子也其生與武帝同日文帝甚愛之養于第內及長又與武帝同學武成元年拜宗師上土時年十六孝伯性沉正謇諤好直言武帝卽位欲引置左右時政在家臣不得專制乃託言少與孝伯同業受經思相啟發由是晉公護弗之猜也得人爲右侍上土恒侍讀書大和元年遷小宗師領右侍儀同及遭父憂令手服中襲爵武帝嘗從容謂之曰公之于我猶漢高之與盧綰也乃賜以十三環金帶自是恒侍左右出入臥

內朝之機務皆得預焉孝伯亦竭心盡力無所迴避至于時政得失及外間細事皆以奏聞武帝深委信之當時莫與爲比及武帝將誅晉公護密與衛王直圖之唯孝伯及王軌宇文神舉等頗得參預護誅授開府儀同三司歷司會中大夫左右小官伯東官左官正建德之後皇太子稍長旣無令德唯昵近小人孝伯白武帝曰皇太子四海所屬而德聲未聞臣忝官實當其責且春秋尙少志業未成請妙選正人爲其師友調護聖質猶望日就月將如或不然悔無及矣帝歛容曰卿世載鯁直竭誠所事觀卿此言有家風矣孝伯拜謝曰非言之難受之難也深願陛下思之帝曰正人豈復過君子是以尉遲運爲右官正孝伯仍爲左官正尋拜宗師中大夫吐谷渾入寇詔皇太子征之軍中之事多決于孝伯俄授京兆尹入爲左官伯轉右

氏姓譜

卷五十二

七虞 宇文氏

三

官伯嘗因侍坐帝問之曰我兒比來慚長進不答曰皇太子比懼天威更無罪失及王軌因內宴擗帝鬚言太子之不善帝罷酒責孝伯曰公嘗語我云太子無過今軌有此言公爲誑矣孝伯再拜曰臣聞父子之際人所難言臣知陛下不能割情忍愛遂爾結舌帝知其意默然久之乃曰朕已委公矣公其勉之五年大軍東討拜內史下大夫令掌留臺事軍還帝曰居守之重無忝戰功于是加授大將軍進爵廣陵郡公邑三千戶并賜金帛及女妓等六年復爲宗師每車駕巡幸常令居守其後武帝北討至滎陽宮遂寢疾驛召孝伯赴行在所帝執其手曰吾自量必無濟理以後事付君是夜授司衛上大夫總宿衛兵馬事又令馳驛入京鎮守以備非常宣帝卽位授小冢宰帝忌齊王憲意欲除之謂孝伯曰公能爲朕圖齊王當以其官位相

授孝伯叩頭曰先帝遺詔不許濫誅骨肉齊王陛下之叔
父戚近功高社稷重臣棟梁所寄陛下若妄加刑戮微臣
又順旨曲從則臣爲不忠之臣陛下爲不孝之子也帝不
釋因漸疎之乃與于智主端胤譯等密圖其事後令智告
憲謀逆遣孝伯名憲入遂誅之帝之西征也在軍有過行
鄭譯時亦預焉軍還孝伯及王軌盡以白武帝怒撻帝數
干仍除譯名至是譯又被帝親昵帝既追恨被杖乃問譯
曰我脚上杖痕誰所爲也譯答曰事由宇文孝伯及王軌
譯又因說王軌捋鬚事帝乃誅軌尉遲運懼私謂孝伯曰
吾徒必不免禍爲之奈何孝伯謂曰今堂上有老母地下
有武帝爲臣爲子知欲何之且委質事人本徇名義諫而
不入將焉逃死足下若爲身計宜且遠之于是各行其志
運尋出爲秦州總管然帝荒淫日甚誅戮無度朝章弛紊

氏姓譜

卷百五十二

七虞

宇文氏

四

無復綱紀孝伯又頻切諫皆不見從由是益疎斥之後稽
胡反令孝伯爲行軍總管從越王盛討平之及軍還帝將
殺之乃託以齊王之事謂之曰公知齊王謀反何以不言
孝伯對曰臣知齊王忠于社稷爲羣小媒孽加之以罪臣
以言必不用所以不言且先帝付屬微臣唯令輔導陛下
今諫而不從實負顧託以此爲罪是所甘心帝大慙俛首
不語乃命將出賜死于家時年三十六及隋文帝踐極以
孝伯及王軌忠而獲罪竝令收葬復其官爵又嘗謂高穎
曰宇文孝伯實有周之良臣若使此人在朝我輩無措手
處也子歆嗣

宇文達字慶斤突性果決善騎射武成初封代國公建德
初進位柱國出爲荊州刺史在州有政績武帝手勅褒美
之所部澧州刺史蔡澤以贓敗達以其世著勳庸欲曲法

貸之恐虧公憲密表奏之事竟得釋達雅好節儉食無兼膳侍姬不過數四衣皆敝故又未嘗營資產家無儲積左右嘗以爲言達從容應之曰君子憂道不憂貧何煩于此武帝東伐以爲右軍總管爲隋文帝所害

隋

宇文慶字神慶河南洛陽人也祖金殿魏征南大將軍仕歷五州刺史安吉侯父顯和夏州刺史慶沉深有器局少以聰敏見知周初受業東觀頗涉經史既而謂人口書足記姓名而已安能人事筆硯爲腐儒之業于時文州民夷相聚爲亂慶應募從征賊保據巖谷徑路懸絕慶束馬而進襲破之以功授都督衛王直之鎮山南也引爲左右慶善射有膽氣好格猛獸直甚壯之稍遷車騎大將軍儀同三司柱國府掾及誅宇文護慶有謀焉進授驃騎大將軍

氏姓譜

卷五十二

七慶 宇文氏

三五

加開府後從武帝攻河陰先登攀堞與賊短兵接戰良久中石墮墜絕而後蘇帝勞之曰卿之餘勇可以賈人也復從武帝拔晉州其後齊師大至慶與宇文憲輕騎而覘卒與賊相遇爲賊所窘憲挺身而遯慶退據汾橋衆賊爭進慶引弓射之所中人馬必倒賊乃稍却及破高緯拔高壁克并州下信都禽高潛功並居最周武帝詔曰慶勲庸早著英望華遠出內之績簡在朕心戎車自西俱總行陣東夏蕩定實有茂功高位纒禮宜崇榮冊于是進位大將軍封汝南郡公邑千六百戶尋以行軍總管擊延安反胡守之拜延州總管俄轉寧州總管高祖爲丞相復以行軍總管南征江表師次白帝徵還以勞進位上大將軍高祖慶有舊甚見親待今督丞相軍事委以心腹尋加柱國

皇初庶左武衛將軍進位上柱國

漕詔愷總督其事後拜萊州刺史甚有能名兄忻被誅除
名于家久不得調會朝廷以魯班故道久絕不行令愷修
復之既而上建仁壽宮訪可任者右僕射楊素言愷有巧
思上然之于是檢校將作大匠歲餘拜仁壽宮監授儀同
三司尋爲將作少監文獻皇后崩愷與楊素營山陵事上
善之復爵安平郡公邑千戶煬帝卽位遷都洛陽以愷爲
營東都副監尋遷將作大匠愷揣帝心在宏侈于是東京
制度窮極壯麗帝大悅之進位開府拜工部尙書及長城
之役詔愷規度之時帝北巡欲誇戎狄令愷爲大帳其下
坐數千人帝大悅賜物千段又造觀風行殿上容侍衛者
數百人離合爲之下施輪軸推移倏忽有若神功戎狄見
之莫不驚駭帝彌悅焉前後賞賚不可勝紀自永嘉之亂
明堂廢絕隋有天下將復古制議者紛然皆不能決愷博

氏姓譜

卷百五十二

七虞

字又氏

七

考羣籍爲明堂圖議奏之帝可其奏會遼東之役事不果
行以度遼之功進位金紫光祿大夫其年卒官時年五十
八帝甚惜之諡曰康撰東都圖記二十卷明堂圖議二卷
釋疑一卷見行于世于儒童游騎尉少子温起部承務郎

唐

宇文籍字夏龜父涇籍少好學長于春秋右拾遺竇羣表
以自代由是知名登進士辟武元衡西蜀從事遷咸陽尉
直史館與韓愈同修順宗實錄遷監察御史以捕王承宗
弟承系客悞貶江陵尹曹參軍辭度使孫簡知而重之入
爲侍御史轉著作郎遷駕部員外史館修撰撰文朝以憲
順實錄繁簡不當拙于取舍諸史臣添改復與韋處厚章
表微路隋沈傳師同修敏知制誥轉庫部郎中太和中
諫議大夫卒年五十九著工部傳記八世

玩經史精義卷之三
登進士第

宋

宇文之邵字公南漢州綿竹人登進士爲文州曲水令地狹人負耕者亡幾運使以輕縑特高其價使鬻于民之邵言方歲飢儉羌人數入安可復困之以求利神宗黜位求言乃上疏不報喟然嘆曰吾不可仕矣遂以太子中允致仕年未四十自強于學不易其志日與交友爲經史琴酒之樂居十五年而終范鎮稱其位下而言高學富而行篤少吾三十一歲而先吾掛冠屬念塵嬰未嘗不慊然也司馬光曰吾聞志不行顧祿位如錙銖道不同視富貴如土芥今于之邵見之其爲人推尙如此

宇文昌齡字伯修雙流人登甲科調柴州推官辟經畧熊氏姓譜

卷五十二

七廣 宇文氏

元

本幹當公事凡攻討招襄建南平諸城砦皆出其書遷大理丞擢提舉秦鳳路常平神宗患司農寺圖籍不肅選官釐整留爲主簿拜監察御史鄜延帥妄奏所部劉紘能與西羌通將爲患命昌齡往鞠之因請深戒守臣毋生事微賞以靖邊人之心使還賜五品服尙書省建除比部員外郎改吏部時官曹更新統紀未立昌齡悉力從事雖抵暮亦程吏不止其所立綱要請于朝而行之出爲京西轉運副使名改左司送遠使至雄州當宴謂其使揖而後坐遷太常少卿議郊祀合祭奏言天地之數以高卑則異位以禮制則異宜以樂舞則異數至于衣服之章器用之具日至之時皆有辨而不亂夫祀者自有以感于無自實以通于虛必以類應類以氣合氣然後可得而親可冀其格今祭地于圓邱以氣則非所合以類則非所應而求高厚之

來享不亦難乎後竟用其議改直秘閣知梓州歷壽州
中府鄧鄆青三州徽宗立名爲刑部侍郎徙戶部建言陝
西饒芻糧于邊舊制令內郡轉給頗爲民病乞令止輸其
州取道里費助邊糴歲省價五百萬公私便之以寶文閣
待制知開封歷青杭越三州卒年六十五

宇文虛中字叔通華陽人登進士歷官州縣入爲起居舍
人國史編修同知貢舉遷中書舍人爲伐燕叅議官上書
言女真持卞莊兩闕之計引兵踰境恃其百戰百勝矜矜
虛囑不可以禮義服言說誘今我以百年怠惰之兵當彼
乘時新銳之勢捨恭順契丹延強悍之勅敵臣恐自此禍
起未有息期王黼怒降集英殿修撰又建十一策上二十
議皆不報未幾金人分道入侵帝顧虛中曰王黼不用卿
言至事勢若此奈何虛中奏宜先降詔罪已更革弊端俾

氏姓譜

卷百五十二

七虞

宇文氏

二九

人心悅天意回卽備禦之事可以責之將帥卽命虛中草
詔遷資政殿大學士軍前宣諭使趣姚古种師道兵馬赴
汴金兵掠至鄭州爲馬忠所敗收斂爲一西路稍通虛中
遂馳歸姚平仲敗金復引兵逼城虛中繼而得入欽宗欲
遣使往金辨劫管非朝廷意大臣皆不肯行虛中承命卽
赴都亭驛見金使王蒞既至金營自己至申露坐風埃金
兵注矢露刃周匝圍繞久之乃卽軍中得見康王次日侍
王至金幕見所爲二太子者語不遜攝暮遣人隨虛中入
城要越王季邦彥吳敏李綱曹晟及金銀騾馬之類又欲
御筆書定三鎮界至事訖再往請康王歸除簽書樞密
事自是又三往言者劾其割地之罪罷知青州尋落職
祠建炎元年竄韶二年應詔復大學士爲大金所請使

可輔副之

金與韓誥等俱掌

命

士知

語考河內郡... 變因議和詔存恤其... 賜田十... 令其一...
金遷學士承旨禮部尚書虛中恃才輕肆好譏訕貴人達
官往往積不能平所撰官殿榜署本皆美名忌者撻以爲
謗由是媒蘖告虛中請反鞠治無狀羅織所存圖書以爲
反具遂與老幼百口同被焚死淳熙間贈虛中開府儀同
三司諡肅愍賜廟仁... 孝宗思之立其族孫紹節爲後
字文百之新井人性孝友數世不異居庭前六燕同巢紫
刪異本合幹人以爲孝友之應
字文奉直熙寧中守懷安軍有功德于民及去民懷其德
不已繪祀于紫雲山

宇文公諒字子貞先成都人後徙吳興幼有操行通經史

氏姓譜

卷百五十二

七

宇文氏

三

百氏言弱冠館富民家夜半聞叩門聲問之婦人也公諒
厲聲叱去明旦卽以他事辭歸終不言其故文宗至順四
年登進士第授同知婺源州事後補餘姚州夏不雨公諒
出禱輒應歲以有年民頌之爲別駕兩省檄察實松江海
塗田公諒以潮汐不常後必遺患請一槩免科行省從之
遷國子助教日與諸生辨析經義六館之士資其陶甄者
往往出爲名臣調國史院編修官出僉領南廉訪司事以
疾請老平居雖暗室必正衣冠端坐嘗挾手記一冊識其
編首曰晝有所爲暮則書之其不可書者卽不敢爲也所
著有折桂集觀光集璧水集以齋詩稿玉堂漫稿越中
稿凡若干卷門人私諡曰純節先生

補祿氏

英賢傳晉惠帝時殿中中郎補祿彪

古野氏

晏子春秋齊景公勇士也一作古冶

武安氏

芊姓秦將白起封武安君因氏焉漢千乘侯武安恭

五鹿氏

姬姓風俗通衛邑也晉公子重耳封舅犯于五鹿文孫

氏焉代郡成陽縣有五鹿氏

歷代名賢

漢

五鹿充宗字君孟官少府貴幸為梁邱易自宣帝時善梁
邱氏說元帝好之欲考其異同令充宗與諸易家論難充
宗乘貴辯口諸儒莫能與抗皆稱疾不敢會有薦朱雲者
名入擯齋登堂抗首而請音動左右既論難連拄五鹿君

氏姓譜

卷百五十二

七鹿

古野氏至三

故諸儒為之語曰五鹿嶽嶽朱雲折其為

主父氏

嬴姓趙武靈王號主父支孫因以為氏宋有主父詰開

封人登科

歷代名賢

漢

主父偃齊臨菑人也學長短縱橫之術晚乃學易春秋百
家言游齊諸生間莫能厚遇也齊諸儒生相與排擯不容
于齊家貧假貸無所得乃北游燕趙中山皆莫能厚遇為
客甚困孝武元光元年中以為諸侯莫足游者乃西入關
見衛將軍衛將軍數言上書不召資用乏留久諸公賓客
多厭之乃上書闕下請奏暮召入見所言九事其八事為
律令一事諫伐匈奴是時趙人徐樂齊人嚴安俱上書

世務各一事... 于名... 何相見之晚也于是上乃... 見上疏言事諸弊偃爲... 或連城數十地方千里... 而合從以逆京師今以... 是也今諸侯子弟或十... 地封則仁孝之道不宜... 地侯之則人人喜得所... 弱矣于是上從其計又... 之家亂衆之民皆可徙... 不誅而害除上又從其... 事偃有功焉大臣皆畏... 其口賂遺累千金人或... 說偃曰太

氏姓譜

卷百五十二

七虞

主父氏

三

橫矣主父曰臣結髮游學四十餘年身不得遂親不以爲... 子昆弟不收賓客棄我我阨日久矣且丈夫生不五鼎食... 死卽五鼎烹吾日暮途遠故倒行暴施之偃盛言朔方地... 肥饒外阻河蒙恬城之以逐匈奴內省轉輸戍漕廣中國... 滅胡之本上覽其說下公卿議皆言不便公孫宏曰秦時... 常發三十萬衆築北河終不可就已而棄之主父偃盛言... 其便上竟用主父計立朔方郡元朔二年主父言齊王內... 淫佚行僻上拜主父爲齊相至齊徧召昆弟賓客散五百... 金與之數之曰始吾貧時昆弟不我衣食賓客不我內門... 今吾相齊諸君迎我或千里吾與諸君絕矣毋復入偃之... 門乃使人以王與姊姦事動王王以爲終不能脫罪恐效... 燕王論死乃自殺有司以聞主父始爲布衣時嘗游燕趙... 及其貴發燕事趙王恐其爲國患欲上書言其陰事爲偃

居中不敢發及爲齊相出闕卽使人上書告言主父偃受諸侯金以故諸侯子弟多以得封者及齊王自殺上聞大怒以爲主父劫其王令自殺乃徵下吏治主父服受諸侯金實不劫王令自殺上欲勿誅是時公孫宏爲御史大夫乃言曰齊王自殺無後國除爲郡入漢主父偃本首惡陛下不誅主父偃無以謝天下乃遂族主父偃主父方貴幸時賓客以千數及其族死無一人收者唯獨浚孔車收葬之天子後聞之以爲孔車長者也

五鳩氏

少昊氏官名因氏焉趙有將軍五鳩盧

伍參氏

世本楚伍參之後支孫以爲氏國語楚昭王時有伍參

氏姓譜

卷百五十二

七廣

五鳩氏至

武靈氏

三

苦成氏

姬姓邠皐別封于苦爲苦成子潛夫論苦成城各在鹽池東北然此城因苦成子之封而得苦成城之名其實成諡也

古成氏

風俗通苦成之後後隨音改焉有廣漢都尉古成雲岷興給事中黃門侍郎古成詵又將軍古成和普袁宏集有南海太守古成彪唐肅元雲四尉古成夔

古口氏

見姓譜漢有古口引

武羅氏

父明侯國之後

武羅氏

武成氏

嬴姓風俗通謂平原君 勝討武成君因氏焉

魯陽氏

潛夫論芊姓楚公族有魯陽氏國言魯陽文子惠王以
梁與之文子辭王與之魯陽淮南子魯陽公與韓構難
戰酣日暮援戈而擲之日為之退三舍

五王氏

媯姓風俗通齊自威宣潛襄至王建五王因以為氏

柱國氏

柱國子良楚大夫或曰此以官為氏者

古孫氏

姬姓王孫賈之後隨音 改為古孫氏見姓纂

武仲氏

武仲氏

姬姓藏武仲之後

甫爽氏

世本宋大夫甫爽之後

取慮氏

徐偃王子食邑取慮因 氏姓纂云今臨淮有此姓

觀斯氏

戰國策觀斯贊魏人

上聲

宰父氏

宰父黑字子索孔子弟子見史記家語字子黑一作字

索

宰氏氏

上聲 十一 軫

尹文氏見世本

歷代名賢

中

尹文子齊宣王時人宣王謂尹文子曰人君之事何如尹文子對曰人君之事無為而能容下夫事寡易從法省易因故民不以政獲罪也大道容眾大德容下聖人寡為而天下理矣書曰睿作聖詩人曰岐有夷之行子孫其保之宣王曰善

尹午氏

楚大夫敖尹午之後又楚有大夫尹午子叔

上聲

苑羊氏見左傳莒大夫苑羊牧之之後

氏姓譜

卷百五十二

十一 軫

尹井氏

三五

歷代名賢

中

苑羊牧之莒大夫也事共公共公八年齊比郭啟帥師伐我公將戰牧之諫曰齊師賤其求不多不如下之大國不可怒也弗聽敗齊師于壽餘齊侯出我公行成遂如齊泚盟國人于是大惡公

偃師氏媯姓陳太子偃師之後

阪上氏

上黨屯留人其先居阪上因氏焉阪上豈晉惠帝時殿

中將軍

上聲

罕井氏見世本

氏姓譜卷百五十二

上聲

十六號

單父氏

漢單父右軍見客齋隨筆

卷子氏

姬姓衛文公之後

上聲

十七號

趙陽氏

姬姓潛夫論衛公侯有趙陽氏

擾龍氏

劉累之後擾龍羣漢侍御史

氏姓譜

卷百五十三

十六號

單父氏至
浩生氏

小王氏

衛大夫小王桃甲之後

上聲

十九號

皓星氏

漢有魯人皓星公治穀梁春秋沛人蔡千秋嘗師事之

又皓星賜趙充國與之友善

老成氏

列子有老成子學幻於尹文子終身不著其術故世莫

傳焉又老成方爲宋大夫著書十篇言黃老之道

浩羊氏

風俗通齊大夫浩羊嘉

浩生氏

孟子弟子浩生不害

老萊氏

見高士傳氏族畧云複姓也或云以其老故以老稱之遂以為氏

歷代名賢

圖

老萊子楚人也著書十五篇言道家用與孔子同時孝養二親行年七十著五彩斑斕衣上堂跌仆因卧地為小兒啼或弄鵲鳥於親側嘗耕於蒙山之陽或言於楚王王駕至萊子之門萊子方織畚王曰守國之政孤願煩先生萊子曰諾王去其妻樵還曰許之乎曰然妻曰妾聞之可食以酒肉者可隨而鞭種可擬以官祿者可隨而鈇鉞妾不能為人所制投其畚而去萊子亦隨其妻至於江南曰鳥獸之毛可績而衣其遺粒足食也人莫知其所終

氏姓譜

卷百五十三

十九

老萊氏五

上聲

一十

左師氏

周有左師觸讙左師名宋嘉祐元年以奉議郎知大庾

縣

左人氏

見史記左人郢字行仲尼弟子魯人家語作左郢字子

行

左邱氏

見姓譜

歷代名賢

圖

左邱明魯太史孔子將修春秋與左邱明乘歸周

周史歸而修春秋之經左邱明為之傳

左尹
楚左尹為宛之後宛字子立

左史氏

古者左史記言楚有左史倚相

左行氏

晋先蔑為左行因氏焉漢有左行恢御史

上聲 二十一馬

馬矢氏

漢大司徒馬官本馬矢氏

馬適氏

見英賢傳漢馬適育畢梁侯馬適求功臣討王莽見書

馬適建見容齋隨筆

馬師氏

氏姓譜

卷百五十三

二十一馬

左尹氏至

三

姬姓鄭穆公之孫公孫鉏為馬師因以為氏子羽之孫

羽頡為馬師亦氏焉列仙傳有馬師皇

野詩氏

見唐書不詳所出

歷代名賢

唐

野詩良輔為鳳翔將與郝毗史敬奉皆以名雄邊良輔後為隴州刺史朝廷遣使至吐蕃虜輒言唐家稱和好豈妄邪不爾安得任良輔為隴州刺史

夏侯氏

出自姒姓夏禹裔孫東樓公封為杞侯至簡公為楚所滅弟他奔魯魯悼公以其夏禹之後給以采地為侯因以為氏焉後去魯之浦分浦為譙遂為郡人唐有駕部

漢

夏侯嬰沛人也為沛廩司御每送使客還過泗上亭與高祖詔未嘗不移日也嬰已而試補縣吏與高祖相愛高祖戲而傷嬰人有告高祖高祖時為亭長重坐傷人告故不傷嬰嬰證之移獄覆嬰坐高祖繫歲餘掠笞數百終脫高祖高祖初與徒屬欲攻沛也嬰時以縣令史為高祖使上降沛一日高祖為沛公賜爵七大夫以嬰為太僕常奉車從攻胡陵嬰與蕭何降泗水監平平以胡陵降賜嬰爵五大夫從擊秦軍碭東攻濟陽下戶牖破李由軍雍邱以兵車趣攻戰疾破之賜爵執帛從擊章邯軍東阿濮陽下以兵車趣攻戰疾破之賜爵執圭從擊趙賁軍開封封楊熊軍

氏姓譜

卷百五十三

二十一馬

夏侯氏

四

商遇嬰從捕虜六十八人降卒八百五十人得印一匱又擊秦軍雒陽東以兵車趣攻戰疾賜爵封轉為滕令因奉車從攻定南陽戰於藍田芷陽至霸上沛公為漢王賜嬰爵列侯號昭平侯復為太僕從入蜀漢還定三秦從擊項籍至彭城項羽大破漢軍漢王不利馳去見孝惠魯元載之漢王急馬罷虜在後常蹶兩兒棄之嬰常收載行面雍樹馳漢王怒欲斬嬰者十餘卒得脫而致孝惠魯元於豐漢王既至樂陽收散兵復振賜嬰食邑新陽擊項籍下邑追至陳卒定楚至魯益食茲氏漢王即帝位燕王噲茶反嬰從擊荼明年從至陳取楚王信更食汝南割符世世絕從擊代至武泉雲中益食下戶因從擊荼信軍起時陽旁大破之追北至平城

使辱遺使氏軍頭乃其

其

齊世宗... 以得脫益金嬰... 五百戶從擊陳豨... 千九百戶除前所食... 崩以太僕事惠帝... 邑間也乃賜嬰... 僕事高后高后崩... 廢少帝以天子法... 太僕八歲薨諡曰... 御婢奸自殺國除... 尚主主隨外家姓... 夏侯始昌魯人也... 嬰死後武帝得始... 氏姓譜

氏姓譜
卷百五十三
二十一馬
夏侯氏
五

災日至期日果災時昌邑王以少子愛上為選師始昌為太傅年老以壽終族子勝亦以儒顯名

夏侯勝字長公初魯共王分魯西寧鄉以封子節侯別屬大河大河後更名東平故勝為東平人勝少孤好學從始昌受尚書及洪範五行傳說災異後事簡卿又從歐陽氏問為學精熟所問非一師也善說禮服徵為博士光祿大夫會昭帝崩昌邑王嗣位數出勝當乘輿前諫曰天久陰而不雨臣下有謀上者陛下出欲何之王怒謂勝為祓言縛以屬吏吏白大將軍霍光光不舉法是時光與車騎將軍張安世謀欲廢昌邑王光讓安世以為泄語安世實不言乃召問勝勝對言在洪範傳曰皇之不極厥罰常陰時則下人有伐上者惡察察言故云臣下有謀光安世大驚以此益重經術士後十餘日光卒與安世共白太后廢昌

邑王尊立宣帝光以爲羣臣奏事東宮太后省政宜知經術白令勝用尙書授太后遷長信少府賜爵關內侯以與謀廢立定策安宗廟益千戶宣帝初卽位欲褒先帝詔丞相御史曰朕以眇身蒙遺德承聖業奉宗廟夙夜惟念孝武皇帝躬仁誼厲威武北征匈奴單于遠遁南平氐羌昆明甌駱兩越東定葦貉朝鮮廓地斥境立郡縣百蠻率服欸塞自至珍貢陳於宗廟協音律造樂歌薦上帝封太山立明堂改正朔易服色明開聖緒尊賢顯功興滅繼絕周之後備天地之禮廣道術之路上天報况符瑞並應寶鼎出白麟獲海效鉅魚神人並見山稱萬歲功德茂盛不能盡宣而廟樂未稱朕甚悼焉其與列侯二千石博士議於是羣臣大議廷中皆曰宜如詔書長信少府勝獨曰武帝雖有攘四夷廣土斥境之功然多殺士衆竭民財力奢

氏姓譜

卷百五十二

二十二

夏侯氏

六

秦亡度天下虛耗百姓流離物故者過半蝗蟲大起赤地數千里或人民相食畜積至今未復亡德澤於民不宜爲立廟樂公卿共難勝曰此詔書也勝曰詔書不可用也八臣之誼宜直言正論非苟阿意順指議已出口雖死不悔於是丞相蔡義御史大夫田廣明劾奏勝非議詔書毀先帝不道及丞相長史黃霸阿縱勝不舉劾俱下獄有司遂請尊孝武帝廟爲世宗廟奏盛德文始五行之舞天下世世獻納以明盛德武帝巡狩所幸郡國凡四十九皆立廟如高祖太宗焉勝霸旣久繫霸欲從勝受經勝辭以罪死霸曰朝聞道夕死可矣勝賢其言遂授之繫再更冬轉論不怠至四年夏關東叫十九郡同日地震黃山崩壞城郭屋毀六十餘人上乃

五者

五者

五者

史勝爲八贊云止簡易無感儀是時南上君說補字
於前上亦以是親信之嘗見出道上語上聞而讓勝勝曰
陛下所言善臣故揚之堯言布於天下至今見誦臣以爲
可傳故傳耳朝廷每有大議上知勝素直謂曰先生通正
言無懲前事勝復爲長信少府遷太子太傅受詔撰尙書
論語說賜黃金百斤年九十卒官賜冢塋平陵太后賜
錢二百萬爲勝素服五日以報師傅之恩儒者以爲榮如
勝每講授常謂諸生曰士病不明經術經術苟明其取青
紫如俛拾地芥耳學經不明不如歸耕勝從父子建字長
卿自師事勝及歐陽高左右學獲又從五經諸儒問與尙
書相出入者牽引以次章句日文飾說勝非之曰建所謂
章句小儒破碎大道建亦非勝爲學疏畧難以應敵建卒
自顯門名經爲議郎博士至太子少傅勝子兼爲左曹太

氏姓譜

卷百五十三

三十一

夏侯氏

七

中大夫孫堯至長信少府司農鴻臚會孫蕃郡守州牧長
樂少府勝同產弟子賞爲梁內史梁內史子定國爲豫章
太守而建子千秋亦爲少府太子少傅

夏侯誦字長况寧陵人侍母疾衣不解帶者二年母憐其
苦令出便寢息誦方假寐忽夢其父告之曰汝母疾沉痾
非凡藥可愈天帝憐汝至孝賜以仙藥在居室後桑椹上
誦忽驚起如所言得藥進之母疾頓瘥

三國

夏侯惇字元讓沛國譙人夏侯嬰之後也年十四就師學
人有辱其師者惇殺之由是以烈氣聞曹操初起惇常爲
裨將從征伐操行奮武將軍以惇爲司馬別屯白馬遷折
衝校尉領東郡太守操征陶謙留惇守濮陽張邈叛迎呂
布操家在鄆城惇輕軍往赴適與布會交戰布退還遂入

濮陽襲得惇軍輜重遣將僞降共執持惇責以寶貨惇軍中震恐惇將韓浩乃勒兵屯惇營門召軍吏諸將皆案甲當部不得動諸營乃定遂詣惇所此持質者曰汝等凶逆乃敢執劫大將軍復欲望生邪且吾受命討賊寧能以一擊持質者持質者惶遽叩頭言我但欲乞資用去耳浩數責皆斬之惇既免操聞之謂浩曰卿此可爲萬世法乃著令自今以後有持質者皆當并擊勿顧質由是劫質者遂絕操自徐州還惇從征呂布爲流矢所中傷左目復領陳留濟陰太守加建武將軍封高安鄉侯時大旱蝗蟲起惇乃斷太壽水作陂身自負土率將士勸種稻民賴其利轉傾河南尹操平河北爲大將軍後拒鄴破遷伏波將軍領尹如故使得以便宜從事不拘科制建安十二年錄惇前

氏姓譜

卷百五十三

二十馬

夏侯氏

八

後功增封邑千八百戶并前二千五百戶二十一年從征孫權還使惇都督二十六軍留居吳賜食樂名信令曰魏絳以和戎之功猶受金石之樂况將軍乎二十四年操軍擊破呂布軍於摩陂召惇常與同載特見親重出入卧內諸將莫得比也昨前將軍督諸軍還壽春徙屯召陵交帝卽王位昨惇大將軍數月薨惇雖在軍旅親迎師受業性清儉有餘財輒以分施不足資之於官不治產業諡曰忠侯子充嗣

夏侯淵字妙才惇族弟也曹操居家曾有縣官事淵代引重罪操營救之得免操以兵以別部司馬騎都尉從還豫留潁州太守及與袁紹戰於官渡行督軍校尉紹破復督兗豫徐州軍糧少淵每饋用繼中以魯孫乾

漢書卷之六

徐詣禁降淵還拜典軍校尉濟南樂安黃巾徐和司馬俱
等攻城殺長吏淵將泰山齊平原郡兵擊大破之斬和平
諸縣收其糧穀以給軍士十四年以淵爲行領軍操征孫
權還使淵督諸將擊廬江叛者雷緒緒破又行征西護軍
督徐晃擊太原賊攻下二十餘屯斬賊帥商曜屠其城從
征韓遂等戰於渭南又督朱靈平隄廩汧氏與操會安定
降楊秋十七年操乃還鄴以淵行護軍將軍督朱靈路招
等屯長安擊破南山賊劉雄降其衆圍韓遂馬超餘黨衆
興於鄠拔之斬興封博昌亭侯超圍涼州刺史韋康於冀
淵救康未到康敗去冀二百餘里超乃逆戰軍不利汧氏
反淵引軍還十九年超衢尹奉等謀討超姜叙起兵鹵城
以應之衢等誦說超使出擊叙於後盡殺超妻子超奔漢
中還圍祁山叙等急求救諸將議者欲須操節度淵曰公

氏姓譜

卷百五十三

二十一馬

夏侯氏

九

在鄴反覆四千里比報叙等必敗非救急也遂行使張郃
督步騎五千在前從陳倉狹道入淵自督糧在後郃至渭
水上超將氏羌數千逆郃未戰超走郃進軍收超軍器械
淵到諸縣皆已降韓遂在顯狹淵欲襲取之遂走淵收遂
軍糧追至略陽城去遂二十餘里諸將欲攻之或言當攻
典國氏淵以爲遂兵精與國城固攻不可卒拔不如擊長
離諸羌長離諸羌多在遂軍必歸救其家若羌獨守則孤
救長離則官兵得與野戰可必虜也淵乃留督將守鞏重
輕兵步騎到長離攻燒羌屯斬獲甚衆諸羌在遂軍者各
還種落遂果救長離與淵軍對陣諸將見遂衆惡之欲結
營作塹乃與戰淵曰我將聞千里今復作營塹則衆氣
弊不可久賊雖果易與耳乃鼓之遂遂遂其營遂

略陽進軍圖典 夏侯氏王千萬進軍 略陽進軍圖典 夏侯氏王千萬進軍

厲各皆走殺
州亂自號河首平王據食淵帥將討建寧等平河
月餘拔之斬建及所置丞相已下謝別遣張師等平河
渡河入小湟中河西諸羌盡降隴右平燥下令曰宋建造
為亂適三十餘年淵一舉滅之虎步關右所向無前仲尼
有言吾與爾不如也二十一年增封三百戶并前八百戶
還擊武都氏羌下辭收氏穀十餘萬斛操西征張魯淵等
將涼州諸將侯王已下與操會休亭操每引見羌胡以淵
畏之會魯降漢中平以淵行都護將軍督張郃徐晃等平
巴郡操還鄴留淵守漢中即拜淵征西將軍二十三年先
主軍陽平關淵率諸將拒之相守連年二十四年五月備
夜燒圍鹿角淵使張郃護東圍自將輕兵護南圍備挑郃
戰郃軍不利淵分所將兵半助郃為備所襲淵遂戰死諡

曰愍侯

卷百五十三

二十一馬

夏侯氏

十

夏侯

夏侯湛字孝若譙國譙人也祖威魏兗州刺史父莊淮南
太守湛幼有盛才文章宏富善構新詞而美容觀與潘岳
友善每行止同輿接茵京都謂之連璧少為太尉掾秦始
中舉賢良對策中第拜郎中累年不調乃作抵疑以自廣
後選補太子舍人轉尚書郎出為野王令以郵隱為急而
緩於公調政清務閑優遊多暇乃作昆弟詒居邑累年朝
野多歎其屈除中書侍郎出補南陽相遷太子僕未就命
而武帝崩惠帝卽位以為散騎常侍元康初卒年四十九
著論三十餘篇別為一家之言初湛作周詩成以示潘岳
曰此文非徒溫雅乃別見孝弟之性岳因此遂作家風詩
湛族為盛門性頗豪侈侯服王食窮滋極珍及將沒遺命

小指... 約令終是深達存亡之理

夏侯淳字孝冲湛弟也亦有文藻與湛俱知名官至弋陽太守遭中原西覆子姪多没胡寇惟息承渡江

夏

夏侯詳字叔業譙郡人年十六遭父艱居喪哀毀三年廬於墓側嘗有三足雀飛來集其廬戶眾咸異焉仕宋為新汲令政有異績豫州刺史段佛榮班下境內為屬城表轉治中從事史仍遷別駕歷事八將州郡稱之齊明帝為刺史雅相器遇及輔政引詳及鄉人裴叔業日夜與語詳輒不酬帝以問叔業叔業以告詳詳曰不為福始不為禍先由此微有作出為征虜長史義陽太守及齊南康王為荊州遷西中郎司馬新興太守梁武帝起兵詳與蕭頴胄同

夏侯氏姓譜 卷百五十三 二十馬 夏侯氏 十一

創大舉西臺建以詳為中領軍加散騎常侍南郡太守凡軍大事頴胄多決於詳頃之頴胄卒時梁武弟始興王憺留守襄陽詳乃遣使迎憺共參軍國遷侍中尚書右僕射尋授荊州刺史詳又固讓於憺天監元年徵為侍中車騎將軍論功封寧都縣侯詳累辭讓至於懇切乃更授右光祿大夫侍中如故給親信二十人改封豐城縣公三年遷湘州刺史詳善吏事在州四載為百姓所稱州城南臨水有峻峯舊老相傳云刺史登此山輒被代因是歷政莫敢至詳於其地起臺榭延僚屬以表損挹之志後徵為尚書右僕射金紫光祿大夫道病卒時年七十四上為素服舉哀贈開府儀同三司諡曰景子亶嗣

夏侯亶字世能齊永元末父詳為西中郎南康王司馬隨府鎮荊州亶留京師為東昏聽政主帥及崔惠景作亂亶

以裨禦功除驍騎將軍及梁武起兵詳與長史蕭穎胄協
密遣迎竇直乃齎宣德皇后令令南康王纂承大統建鄴
平以直爲尚書吏部郎俄遷侍中奉璽於帝天監六年累
遷南郡太守父夏解職居喪盡禮廬於墓側遺財悉推諸
弟八年起爲司州刺史領安陸太守服闋襲封豐城縣公
居州甚有威惠爲邊人所悅服歷都官尚書遷給事中右
衛將軍累遷吳興太守在郡復有惠政吏民圖其像立碑
頌美焉普通五年遷中護軍六年大舉北伐先遣豫州刺
史裴邃帥譙州刺史湛僧智等自南道伐壽陽城未克而
邃卒乃加直使持節代邃與魏將河間王元深臨淮王元
或等相拒頗戰克捷尋敕班師合肥須堰成復進七年夏
淮堰水盛壽陽城將沒武帝復遣北道軍元樹帥彭寶孫
陳慶之等稍進直帥湛僧智魚宏張澄等通清流關將入

氏姓譜

卷百五十三

二十二馬

夏侯氏

十一

淮肥魏軍夾肥築城出直軍後直與僧智還襲破之進攻
黎漿貞武將軍韋放自北道會焉兩軍既合所向皆降下
凡降城五十二獲男女口七萬五千人詔以壽陽侯前代
置豫州合肥鎮改爲南豫州以直爲豫南豫二州刺史加
都督壽春久離兵荒百姓多流散直輕刑薄賦務農省徭
項之民戶充復大通三年卒於州鎮帝聞之卽日素服舉
哀贈車騎將軍謚曰襄州民夏侯簡等請爲直立碑置祠
詔許之直爲人美風儀寬厚有器量涉獵文史能專對直
歷六郡三州不修產業祿賜所得隨散親故性儉率居處
服用充足而已不事華侈晚年頗好音樂有妓妾十數人
並無被服姿容每有客常隔簾奏之時謂簾爲夏侯侯衣
直二子諱直諱襲封豐城公

夏侯襲字季龍直弟也世大匠

直子諱直諱襲封豐城公

直子諱直諱襲封豐城公

太守帥壯武將裴之禮直闕將軍
平靜穆陵陰山三關亮之時
州刺史元慶和於廣陵入其郛
魏將元顯伯率軍赴援僧
智逆擊破之慶自武陽出會
僧智斷魏軍歸路慶和於內
築柵以自固及慶至遂請降
凡降男女口萬餘人顯伯聞
之夜遁衆軍追虜二萬餘人
斬獲不可勝數由是義陽北
道遂與魏絕及魏郢州刺史
元願達請降詔改魏郢州爲
北司州以慶爲刺史兼督司
州封保城縣侯中大通六年
爲豫州刺史加督豫州積歲
連兵人頗失業慶乃帥甲人
於壽陵立堰溉田千餘頃歲
收穀百餘萬石以充儲備兼
贍貧人境內賴之慶兄直先
經此任至是慶又居焉兄弟
並有恩惠於鄉里百姓歌之
曰我之有州賴仍夏侯前兄
後弟布政優優在州七年甚
有聲績遠近多附之大同四

氏姓譜

卷百五十三

二十馬

夏侯氏

十三

年卒於州時年五十六有詔舉哀
賻錢二十萬布二百匹
追贈侍中安北將軍謚曰桓子
讓嗣官至太僕卿

夏侯恭叔譙國人垣崇祖在豫
州聞其才義辟爲主簿兼
掌書翰齊高帝卽位方鎮皆有
賀表王儉見崇祖啟咨嗟
良久曰此恭叔辭也時宋氏封
爵隨軍遷改恭叔以柳元
景中興元勳劉劬殞身王事不
宜見廢上表論之甚有義
理事雖不從優詔見答後爲
竟陵令惠化大行木連理上
有光如燭威以爲善政所致

夏侯道遷譙國人也少有志操
年十七父母爲結婚章氏

道遷云欲懷四方之志不願取
婦家人咸謂戲言及婚求

覓不知所在訪問乃云逃入益
州後隨裴叔業於壽春爲

南譙太守二家雖爲姻婚親情
不協遂單騎歸魏拜驍

將軍隨王肅至壽春肅薨道遷
棄戍南叛會梁以莊即

公宜早爲計帝感其言義師興端在河東東捕送長安帝
入京師釋囚引入卧內擢秘書監李密之降關東地未有
所屬端請假節招諭乃拜大將軍爲河南道招慰使卽傳
檄州縣東薄海南撻淮二十餘州遣使順附次譙州會亳
汴二州刺史已降王世充道塞無所歸計窮彷徨麾下二
千人糧盡不忍委端去端乃殺馬宴大澤中謂衆曰我奉
王命義無屈公等有妻子徒死無益吾丐若首持與賊以
取富貴衆號泣不忍視端亦泣欲自刎爭持之乃止行五
日餓死十四三遇賊衆潰從者纔三十餘人遂東走擄營
豆以食端持節計起歎曰平生不知死地乃在此縱其下
令去毋俱獲會李公逸守杞州勒兵迎端時河南地悉入
世充公逸感端之節亦固守世充遣人以淮南郡公尙書
少吏卽卽殺召端解所服衣以贈端曰吾天子使寧汗賊

氏姓譜

卷百五十三

二十馬

夏侯氏

七

官耶非持首去不可見卽焚書及衣因解節毛懷之間道
走宜陽崖崖峭榛莽比到其下僅有在者皆體髮癯焦人
不堪視端入謁自謝無功不及危困狀帝憫之復拜秘書
監出爲梓州刺史散祿廩周孤窮不爲子孫計貞觀元年
卒

夏侯家官侍御史工於詩辭情致敏麗有名於時大歷中
十才子之一

宋

夏侯嶠字峻極先幽州人高祖秀爲濟州鉅野鎮遊奕使
因家焉父浦梁開平中以明經至棧州錄事參軍嶠幼好
學弱冠以詞賦稱周相李穀延至門下又依留守向拱攝
陽令嶠移去州錄事參軍八十餘二初登甲科除大

百事通判

錄事參軍

大

賜緋魚會王所護邊

還太宗知其材行陝左補闕直史館

州改起居郎真宗在襄邸召為翊善直昭文館賜金紫尹

京加司封員外郎兼推官東宮建復兼中書舍人為工部

郎中及郎位尤愛重之拜給事中知審刑院擢樞密副使

咸平初始置翰林侍讀學士與楊徽之呂文仲並命賜宴

丙閣且褒以詩尋兼秘書監江浙飢為江南巡撫使所過

疏理刑訟存問者老務從寬簡人為便使還上所採病

民二十餘事亟詔釐革又判吏部選事景德元年五月以

選人俟對崇政殿暴中風眩亟詔取金丹上尊酒餽之其

夕卒年七十二贈兵部尚書贈賜外增白金給葬錄子大

理丞昆為太子中舍孫恭為奉禮郎亦至中舍姪孫蔚同

氏姓譜

卷一百五十三

二十一馬

夏侯氏

十六

學究出身嶠喜鼓琴好讀莊老書淳厚謹慎居官無過失

在近侍恩遇甚渥上多所詢訪每以善人目之後數月畢

士安為相撫坐歎曰使夏侯君在吾豈先據此位邪有集

十五卷禱符初晟上漢武封禪圖繪金匱玉匱石碱石距

之狀咸有注釋上覽而喜之至駕部員外郎

夏侯嘉正字會之江陵人少有俊才與王禹偁羅處約齊

名登進士官著作佐郎嘗為洞庭賦徐鉉見之曰是元虛

之流也人多傳寫端拱初太宗知其名召試擢右正言直

史館兼秘閣賜緋魚元夕上御乾元門觀燈獻五言十韻

詩末句云兩制誠堪羨青雲待玉輿上依韻賜之云狹劣

於難舉通才列上輿蓋戒其好進也未幾被病詔以為益

一生辰使獲金幣鬻得錢輦歸家忽一緡自地起立良久

仆聞者異之疾遂篤年三十七卒子紆太子中舍

夏侯氏曹爽從弟文叔妻譙郡夏侯文寧之女名令女文叔早死服闋自以其年少無子恐家必嫁已乃斷髮為信其後家果欲嫁之令女聞削以刀截兩耳居止常依爽及爽被誅曹氏盡死令女叔父上書與曹氏絕婚強迎令女歸時文寧為梁相憐其少執義又曹氏無遺類冀其意沮乃微使人諷之令女歎且泣佯許之家以為信防之少懈令女竊入室以刀斷鼻蒙被而卧其母呼與語不應發被視之血流滿床席視者莫不酸鼻或謂之曰人生在世如輕塵栖弱草耳何苦乃爾且夫家夷滅已盡守此欲誰為哉令女曰聞仁者不以盛衰改節義者不以存亡易心曹氏全盛之時尚欲保終况今衰亡何忍棄之禽獸之行吾豈為乎

氏姓譜

卷百五十三

二十馬

夏侯氏

十七

夏侯氏滑州胖城人字碎金劉寂妻父長雲為鹽城丞喪明時劉已生二女矣求與劉絕歸侍父疾又事後母以孝稱五年父病毀不勝喪被髮徒跣身負上成家廬其左寒不歸日一食者三年詔賜物二十段粟十石表異門閭後其女居母喪亦如母行官又賜粟帛表其門

賈孫氏

衛大夫王孫賈之後賈孫暄北海人侍中

夏里氏

見姓譜

夏陽氏

見左傳晉

夫夏陽說

夏父氏

見姓譜

問

夏父展為魯伯莊公二十四年秋哀姜至公使宗婦觀用幣展諫曰君故也公曰君作故對曰君作而順則故之逆則亦書其逆也從有司懼逆之書於後也故不敢不告公弗聽其子弗忌亦為魯宗伯

社北氏

風俗通與社南皆齊倡也漢有高楊娶扶風社北氏

社南氏

其姓齊倡見風俗通姓苑云扶風安陵有此姓

上聲

養由氏

楚大夫養由基之後

氏姓譜

卷五十三

二十一馬

夏父氏至

大

歷代名賢

問

養由基即養叔以善射名莊王十七年邲之役王為乘騰三十乘分為左右廣雞鳴而駕日中而說左則受之日入而說許偃御右廣養由基為右彭名御左廣屈蕩為右王乘左廣敗晉師於洩共王十六年鄢陵之役彭名御王潘黨為右黨與養由基躡甲而射之徹七札焉以示王曰君有二臣如此何憂於戰王怒曰大辱國詰朝爾射死藝及戰晉呂錡射王中目王召養由基與之兩矢使射呂錡中項伏殺以一矢復命我師薄於險叔山冉謂養由基曰雖君有命為國故子必射乃射再發盡殪叔山冉搏人以投中車折軾晉師乃止其王薨康王即位吳侵我養由基奔命公子午以師繼之養由基曰吳乘我喪謂我不能師也

必易我而不戒子爲三窟以待我我請誘之公子午從之戰於庸浦大敗吳師獲八子黨康王以公子午爲令尹養由基爲宮廐尹荆王有白猿王自射之則搏樹而嬉使養由基射之始調弓矯矢未發猿擁樹而號矣王又命養由基射蜻蛉王曰吾欲得之養由基援弓而射之拂左翼王大喜

上官氏

出自芊姓楚王子蘭爲上官大夫以族爲氏漢徙大姓以實關中上官氏徙隴西上邽漢有右將軍安陽侯桀生安車騎將軍桑樂侯以反伏誅遺腹子期裔孫勝蜀太尉二子曰茂曰先徙東郡後徙陝郡五世孫回至宏爲江都總監又徙揚州

歷代名賢

氏姓譜

卷百五十三

于養

上官氏

九

唐

上官儀字游韶陝州陝人父宏爲隋江都官副監大業末爲陳稜所殺時儀幼左右匿免冒爲沙門服寢工文詞涉貫墳典貞觀初擢進士第召授宏文館直學士遷秘書郎太宗每屬文遣儀視稿宴私未嘗不預轉起居郎高宗即位爲秘書少監進西臺侍郎同東西臺三品時以雍州司士參軍韋綯爲殿中侍御史或疑非遷儀曰此野人語耳御史供奉赤墀下按武夔龍遙翔鷓鴣豈雍州判佐比乎時以爲清言儀工詩其詞詞錯妙媚及貴顯人多效之謂爲上官體麟德元年坐怨下獄死籍其家初武后得志遂牽制帝專威福不能奪又引道上行狀勝中人

王伏勝發之帝因大怒

專恣無節

深惡儀始忠爲陳王時善爲諮議與王次勝河府至是等
敬宗構儀與忠謀大逆后帝也曰帝遂長等元老大器
次屠覆公卿莫敢正議獨儀純忠禍又不旋踵由是天下
之政歸於后而帝拱手矣于庭芝歷周王府屬亦被殺庭
芝女中宗時爲昭容追贈儀爲中書令秦州都督楚國公
庭芝黃門侍郎岐州刺史天水郡公以禮改葬

宋

上官正字常清開封人少舉三傳後爲鄜州攝官雍熙中
召授殿前承旨屢遣鞫獄遷供奉官閤門祇候天雄監軍
淳化中轉作坊副使爲劍門都監李順之亂賊黨分掠劍
門時止有疲兵數百人正激以忠義士氣振作會成都監
軍宿翰領兵投劍門與正合迎擊賊衆數千斬馘殆盡奏

氏姓譜

卷百五十三

二十三

上官氏

三

至太宗嘉賞下詔獎勵並賜襲衣金帶超授六宅使劍州
刺史充劍門都署翰自供奉官擢崇儀使領昭州刺史初
賊勢甚盛朝議深以棧道爲憂正孤軍力戰屢挫賊鋒自
是閣道無阻王師得長驅入蜀順誅後餘寇匿山谷恃險
結集剽劫爲患正諭以朝廷恩信皆相率出降加峯州團
練西川招安使自負平賊有勞受人主知木彊凌人無所
顧忌數暴揚官吏之短衆積怨多上章訴其不法帝欲保
全賜手札戒諭之正上表謝真宗改莊宅使復破劉旰功
遷南作坊使賜錦袍金帶咸平初擢東上閣門使勾當軍
頭引見司俄權戶部使二年出知滄州徙高陽關副都署
真拜洛州團練使車駕北巡以爲行營先鋒鈐轄王均叛
移峽路都鈐轄知梓州歷滄瀛鎮三州高陽關都署以足
疾求內知磁州手諸慰勉會邢州地震民居不安徙治之

具州遷洛與同州防禦使引左龍武軍大將軍分司
西京致仕卒年七十五正婣布心事輒發子琛內殿崇功
上官均字彥衡郃武人登進士爲北京留守推官國子直
講元豐中爲監察御史裏行時蔡確引猜檢吏窮治相州
富人獄誣法官竇萃等受賕無敢明其寃均乞詔廷臣參
治坐謫知光澤縣還監都進奏院擢開封推官元祐初復
監察御史時議請兼用詩賦取士宰相欲盡廢經義均言
經術以理爲主詩賦以文爲工今不計本末而欲襲詩賦
之敝未見其爲得也又論蔡碩盜貸官錢獄上當顯正其
罪以厲百官張璪李清臣與正人異趣相繼擊去之臺諫
約再論張舜民左遷事均謂事小王巖叟劾其反覆改禮
部員外郎復任殿中侍御史言先王之御外國知威之不

氏姓譜

卷百五十三

二十一

上官氏

二

可獨立故假惠以濟威知惠之不可獨行故須威以行惠
然後外國且懷且畏無怨望輕侮之心今西夏自永樂之
戰怕勝氣驕朝廷旣棄四砦又請蘭州砦地此控扼要路
若輕以予之恐夏人擣虛熙河數郡孤立難守設若繼請
熙河故地復將何辭以拒是傅虎以翼借寇以兵不惟無
益祇足爲患不如治兵積穀畫地而守示以朝廷有備之
意中書傅堯俞左丞許將同樞韓忠彥因論事同異俱求
罷均上言大臣謹同休戚廟堂之上當務協和使中外之
人泯然不知有嫌疑之迹若悻悻辨論不顧事體何以觀
視百僚有詔令就職中丞蘇轍獨疏論許將均奏以爲進
退大臣當則天下服上之明而大臣得以安其位不當則
累上之哲而言者得以朋謀併力傾搖大臣况天下之事
當以是非爲主所論若是雖異不害其爲善所論若非雖

同未見其爲美今堯俞等雖有辨論之失然事皆緣公無
顯惡大過輸乃過論許將以爲背同列之議臣謂善則順
之惡則正之豈在每事惟命遂非不改然後爲忠邪若舍
同列之議上奉聖旨是能將順其美不當反以爲過惡也
苟惟務雷同乃姦臣所爲非朝廷之利至於呂大防堅疆
自任每有差除同列不敢異惟將時有異同輒素善大防
盡力排將期於必勝臣恐綱紀法令自此壞矣乞外知廣
德軍改提點河北東路刑獄絡聖初召拜左正言時大防
輒已罷政均論其六罪竝再黜之又奏罷詩賦專以經術
取士勸宰相章惇不當出彭汝礪召朱服惇怒遷工部員
外郎歷京東淮東提點刑獄梓州淮南運副改知越州徽
宗立入爲秘書少監遷起居郎拜中書舍人同修哲宗實
錄遷給事中論太學生張寅亮應詔言事不識忌諱志非

氏姓譜

卷百五十三

二十二養

古官氏

三

懷邪寅亮得免再議絡述均謂法度惟是之從無彼此之
辨與時宰不協以龍圖閣待制知永興軍徙襄州崇寧初
預黨籍奪職主管崇禧觀政和中復集賢院修撰提舉洞
霄宮進龍圖閣待制致仕卒年七十八

上官擬字成名郢武人進士調銅陵尉官滿有老叟十數
人送至境上餽藥數器行數里發之皆白金追而反之曰
奉法循理非私汝也詎以公義而受私惠乎

上官愷字仲雍郢武人均季子政和二年第進士二帝北
行愷上宰相書請迎康王速卽大位西入京師以圖興復
建炎二年遷著作佐郎吏部員外郎出知南劍州以剛介
著政聲廖剛論薦堪任察官懇辭不赴卒嗣有尚書小
論語孟子略解及史說史記

上官愷字仲雍郢武人

氏姓譜卷五十三

中選河朔守臣以恢知深州改南劍州政尚寬和移知徽
州專務仁愛移所寬貸不得已乃臨以威吏懷服晚奉祠
里居過者皆云此熙豐各儒也胡安國以恢與楊時並薦
官至中大夫

上官燈字正平邵武人凝之孫燈幼孤從從父均學登元
豐八年進士第調溧陽尉改新息遷濠州錄參改永城縣
丞從事十餘年廉正明決雖不見知而自信不改

上官粹中字德厚均再從曾孫喜義而嗜學隆興初以累
舉試策入第調武岡軍僉判在官以長者稱零陵有重囚
獄久不決粹中往推詰片言而定囚感服更無變辭

上官必克字復之情曾孫幼孤事母孝謹篤學好修慶元
五年以積舉推恩監成都府都稅務鈞察精明洞燭情偽
吏無所容其奸以是課額增羨視常歲十倍二三

氏姓譜 卷百五十三 上官氏 三

上官渙然字文之渙酉之弟以兄奏補爲鄞縣尉擢淳祐
辛丑進士第被薦幹辦行在諸軍糧料院陞對疏論欲正
朝廷當自正君心始欲明紀綱當自明公道始愛善類以
壯君子之脈容直言以伸公論之氣又條奏守邊三策以
獻遷司農寺丞兼右司郎中

上官基字子固光澤人嘉祐二年第進士知將樂縣會寇
起募邑人廖恩殲焉操履可稱子公頴族子公弼俱登科
上官端義字方叔邵武人以蔭爲惠安簿催科示民以信
民自樂輸調袁州司法適歲飢被發糶羅民或有不足於
直爲出已貲哺之遷建安縣丞補浦城縣學正邑有惠政

上官煥字濟叔邵武人淳熙五年第進士知將樂縣會寇
縣丞郡以事送委于煥煥以其精敏舉爲學官所修築

貴州推官

平高... 哀毀一兄... 孤敬愛兼焉

上官趙光澤入性純孝母病篤刲左脇取肝飼母已而母愈縣令張碩石其門曰孝威

上官拯字公濟光澤人慶歷六年第進士調建寧縣丞聽訟明敏奸黠無所肆其巧遷上杭縣令亦有政聲孫行知解州號令明信

上官謐字宇國邵武人為學務求義理從朱熹學益加涵養任永州推官為政簡易人甚悅之

明

上官通字一明容儀蒼古善楷書幼嘗為吏一旦棄家室結廬深山龍井坑冬不爐夏不扇夜不就寢通道術有疾

氏姓譜 卷百五十三 二十二義 上官氏 四

病者請其符輒愈由是遠近皆敬之洪武初福州有名宦黃姓者病危迎請療隨愈酬以金帛一毫無取拂袂而歸遇邑早澇請禱即雨年六旬頗飲酒嘗作口號云老骨崢嶸裹絨皮精神不似少年時一周甲子從新數急速回頭亦是遲壽七十七絕粒而終

上官佑邵武人永樂中新城教諭講習詳明訓誨無倦擅古人詩律諸作皆精緻

上官蓋字忠赤曲沃人起家鄉舉崇正中授順義知縣廉執有聲在官三年薦章十餘上值順義被圍蓋與遊擊治國器都指揮蘇時雨等拒守城破蓋自經死事聞贈恤如制

歷代列女

上官盼容名婉兒即儀孫女父廷芝坐儀同死母鄭氏太

常少卿休遠之姊如與同配被廷婉兒天性韶警善文章有所制作若出素構年十四武后召見自通天以來掌內詔命披麗可觀羣臣章奏及天下事皆與之商議嘗忤旨當誅后惜其才黜而不殺中宗復位大被信任進位昭容封鄭沛兩國夫人勸帝後大書館增學士員引大臣名儒充選數賜宴賦詩君臣賡和昭容代帝及后長寧安樂二主衆篇並作文采益新又嘗差第羣臣所賦賜金帛官爵故在朝靡然成風當時屬辭皆有可觀婉兒力也

上官氏楚王靈龜妃下邳士族也靈龜出繼哀王後而舅姑在妃朝夕侍奉謹甚凡珍美非經獻不先嘗靈龜卒將葬前妃無近族議者欲不舉妃曰逝者有知魂可無託乎乃備禮合葬聞者嘉歎喪除兄弟皆論妃少又無子可不行泣曰丈夫以義婦人以節我未能夠溝壑尚可御粧

氏姓譜

卷百五十三

二十二卷 上官氏

三五

澤祭他胙乎將自剗則眾遂不敢強

上官氏南豐人曾容端妻年二十一孀居無子事舅姑孝敬嘉靖間巡按李循義旌表歲給粟帛卒年八十九有曾節婦戶爲春秋祭祀之祖

長孫氏

出自拓拔鬱律生二子長曰沙莫雄次曰什翼犍什翼

犍卽後魏道武皇帝祖也後魏法七分其國人以兄弟

分統之沙莫雄爲南部大人後名仁號爲拓拔氏生嵩

太尉柱國大將軍北平宣王嵩武以嵩宗室之長改爲

長孫氏至孝文以獻帝長兄爲紇骨氏次兄普氏爲周

氏又次兄爲達奚氏又次兄爲伊婁氏卽爲婁氏又次

兄敦邱氏爲邱氏又次兄爲奚氏爲萬俟氏叔父之後也

唐氏爲叔孫氏魏氏爲重襲氏後爲唐氏唐氏爲唐氏

中論自代北而遷者皆爲西南洛陽人豈三

卷百五十三

泰征南將軍都督中外諸軍事大將軍延
年延年生陝州刺史鄆國公俊後生相州刺史昌寧公
平二子道生道開道生太尉上黨靖王三子旃太一德
一旃司空上黨康王生觀觀司徒上黨定王生稚澄稚
字幼卿西魏尚書令太師上黨文宣王二子子裕子彥
子裕右武衛將軍平原公二子紉遠兇

歷代名賢

長孫順 臨川人事河內王吉受韓詩仕爲博士由是韓詩
有長孫之學順授東海髮福至大官徒衆尤盛

長孫

長孫嵩 代人也昭成賜名焉父仁昭成時爲南部大人嵩

氏姓譜

卷百五十三

二十養

長孫氏

六

寬雅有器度年十四代父統軍昭成末年諸部乖亂苻堅
使劉庫仁攝國事嵩與元他等率部衆歸之劉顯之謀難
也嵩率舊人及鄉邑七百餘家叛顯走將至五原時寔君
之子渥亦聚衆自立嵩欲歸之見於烏渥稱逆父之子勸
嵩歸道武嵩未決烏渥回其牛首嵩僱俛從之見道武於
二漢亭道武以爲南部大人累著軍功後從征中山除冀
州刺史賜爵鉅鹿公歷侍中司徒相州刺史封南平公所
在著稱明元卽位與山陽侯奚斤北新侯安同白馬侯
宏等八人坐止車門右聽理萬機故世號八公晉將劉裕
之伐姚泓明元假嵩節督山東諸軍事傳詣平原緣河北
岸列軍次於畔城軍頗失利詔假裕道裕於舟中望嵩塵
蓋遣以鬪酒及江南食物嵩皆送京師詔嵩厚答之又載
簡精兵爲戰備若裕西過者便率精銳南出彭沛如不時

馮巨引事隨之至至麟陝

力疲弊也及魏月徐乃乘之則裕首可不戰而懸於是叔孫建等尋河趨洛遂入關嵩與建等自成皋南濟普諸屯成皆望塵奔潰裕克長安嵩乃班師明元寢疾問後事於嵩嵩曰立長則順以德則人服今長皇子賢而世嫡天所命也請立乃定策詔太武臨朝益國嵩爲左輔太武卽位進爵北平王司州中正詔問公卿赫連蠕蠕征討何先嵩與平陽王長孫翰司空奚斤等曰赫連土居未能爲患蠕蠕世爲邊害宜先討太檀及則收其畜產足以富國不及則校獵陰山多殺禽獸皮肉筋骨以充軍實亦愈於破一小國太常崔浩曰大檀遷徙烏遊疾追則不足經久大衆則不能及之赫連屈丐土宇不過千里其刑政殘虐神人所棄宜先討之尙書劉潔武京侯安原請先平馮跋帝默

氏姓譜 卷百五十三 長孫氏 二十七

然遂西巡狩後聞屈丐死關中大亂議欲征之嵩等曰彼若城守以逸待勞大檀聞之乘虛而寇危道也帝乃問幽微於天師寇謙之謙之勸行杜超之贊成之崔浩又言西伐利嵩等固諫不可帝大怒責嵩在官貪污使武士頓辱尋遷太尉久之加柱國大將軍自是輿駕征伐嵩以元老留鎮京師坐朝堂平斷刑獄薨年八十謚曰宣王後孝文追錄先朝功臣以嵩配饗廟庭

長孫道生嵩從子也忠厚廉謹道武愛其慎重使掌機密與賀毗等四人內侍左右出入詔命明元卽位除南統將軍冀州刺史後取人美女以獻明元切責之以舊臣不加罪黜太武卽位進爵汝陰公遷廷尉卿從征蠕蠕與尉眷等率衆出白黑兩漠間大捷而還太武征赫連昌道生與司徒長孫翰宗正娥清爲前驅遂平其國昌弟定走保平

涼宋遣將到彥之王仲德寇河南以救定詔道生與丹陽王太之屯河上以禦之遂誘宋將檀道濟邀其前後追至歷城而還除司空加侍中進封上黨王薨年八十二贈太尉諡曰靖道生廉約身爲三司而衣不華飾食不兼味一熊皮褫泥數十年不易時人比之晏嬰第宅卑陋出鎮後其子弟頗更修繕起堂廡道生還歎曰昔霍去病以匈奴未滅無用家爲今疆寇尙游魂漠北吾豈可安坐華美也乃切責子弟令毀其宅太武世所在著績每建大議多合時機爲將有權畧善待士衆帝命歌工歷頌羣臣曰智如崔浩廉如道生及年老頗感其妻孟氏以此見譏與從父嵩俱爲三公當世以爲榮子抗位少卿早卒抗子觀觀子稚字承業

長孫子彥本名雋承業子有膂力以累從父征討功封槐

氏姓譜

卷百五十三

二十二養

長孫氏

二六

里縣子出帝與齊獻武王構隙加子彥中軍大都督行臺僕射鎮宏農以爲心膂後從帝入關子彥少常墜馬折臂肘上骨起寸餘乃命開肉鋸骨流血數升言戲自若時以爲踰於關羽及卒周文帝聞之慟哭曰失我良將贈雍州刺史

長孫弼代人也少有父肥風道武時以善騎射爲獵郎明元之在外翰與元磨渾等潛謀奉迎明元卽位與磨渾等相搆左右以功累遷平南將軍率衆鎮北境威名甚著太武卽位封平陽王蠕蠕大檀之入寇雲中太武親征之遣騎與東平公娥清出兵川討大檀大檀北遁追擊剋復還遷司徒從襲赫連昌復之翰清正壽明喜撫略士衆太武爲之流涕親臨其喪哀禮極焉

隋書卷五十四 南齊書卷五十四 齊書卷五十四

長孫慮代人也母因飲酒其父真呵叱之誤以杖擊便即

致死真爲縣囚耕處以重坐慮別辭尚書云父母忿爭本
無餘惡直以謬誤一朝橫禍令母喪未殯父命旦夕慮兄
弟五人竝冲幼慮身居長今年十五有一女弟向始四歲
更相鞠養不能保全父若就刑交墜溝壑乞以身代父命
使嬰弱家孤得蒙存立尚書奏云慮於父爲孝子於弟爲
仁兄尋情究狀特可矜感孝文詔特恕其父死罪從遠流
長孫緒遠字師少名仁寬容有大度雅好墳籍聰慧過人
父承業作牧壽春時緒遠年十三承業管記有王碩者文
學士也聞緒遠強記遂自承業求驗之承業命試之碩乃
試以禮記月令於是緒遠讀數紙纔一徧誦之若流碩歎

氏姓譜 卷百五十三 長孫氏 二九

服之起家司徒府參軍事後以別將討平河東蜀薛封東
阿縣伯魏孝武西遷緒遠隨承業奔赴以功別封文安縣
子大統二年除太常卿遷中書令仍襲父爵後例降爲公
改馮翊郡恭帝二年累遷錄尚書事周文每謂羣臣曰長
孫公任使處令人無反顧憂漢之蕭冠何足多也其容止
堂堂足爲當今模楷六官建拜大司樂周閱踐阼復封上
黨郡公初緒遠爲太常廣召工人創造樂器惟黃鐘不調
每恒恨之嘗經韓使君佛寺聞浮圖三層上鐸鳴其音雅
合宮調因取而配奏方始克諧乃啟明帝曰魏氏來宅秦
雖雖祖述樂章然黃鐘爲君天子之正位往經創造歷稔
無成方知水行將季木運伊始天命有歸靈樂自降此蓋
乾坤祐助宗廟致威方當降物和精神祚隆萬世詔曰朕以
菲薄何德可以當之此蓋天地祖宗之祐亦由公達鑒所

致也俄改授禮部中大夫時猶因魏氏舊樂未遑更造但
去小呂加大呂而已絳遠上疏陳雅樂詔並行之尋拜京
兆尹歷少保少司空出爲河州刺史河右戎落向化日近
同姓婚姻因以成俗絳遠導之以禮大革弊風政存簡恕
百姓悅服入爲小宗伯武帝讀史書見武王克殷而作七
始又欲廢八懸七并除黃鐘之正官用林鐘爲調首絳遠
奏云天子懸八百王共軌下逮周武甫修七始之音詳諸
經義又無廢八之典且黃鐘爲君天子正位今欲廢之未
見其可臣案周禮奏黃鐘大呂此則古先聖之宏範不易
之明證願勿輕變古典趣改樂章帝默然久之曰朕欲廢
八懸七者所望體本求直豈苟易名當更思其義後竟行
七音屬絳遠搆疾未獲面陳慮有司遠捐樂器乃與樂部
齊書曰伏聞朝廷前議而欲廢八懸七然則天子懸八

氏姓譜

卷百五十三

二十二養 長孫氏

三

有自來矣古先聖殊塗一致速周武克殷逆取順守專用
干戈事乖揖讓反求經義是用七音蓋非萬代不易之典
其懸八筍篋不得毀之宜待吾疾瘳當別奏聞此後絳遠
疾篤乃命其子覽曰夫黃鐘者天子之宮大呂者皇后之
位今廢黃鐘之位是祿去王室若用林鐘爲首是政出私
門將恐八百之祚不得同姬周之永也吾旣爲人臣義無
寢默必與疾固爭闕廷後疾甚乃上遺表帝省表涕零重
贈柱國大將軍諡曰獻號樂祖 饗廟庭于覽嗣

尤善談論從魏孝武西遷別封鄴縣侯周天和初進驃騎
大將軍開府儀同三司歷熊罴二州刺史並有能名

源平縣公齊子熾嗣

大... 寺神元性敏慧美...

馮羣書兼長武藝建德

初周武帝崇尚道法求學兼... 其選隋文帝作相自御正上士擢為丞相府功曹加大都督封陽平縣子遷稍伯下大夫以平王謙拜儀同三司及帝受禪熾率官屬先入清宮即授內史舍人上儀同三司攝東宮右庶子出入兩宮甚被委遇素遷太常少卿改封饒湯縣子進位開府儀同三司改授吏部侍郎大業中歷位大理卿戶部尚書吐谷渾寇張掖令熾擊之追至青海以功授銀青光祿大夫六年帝幸江都宮留熾東都留守攝左傾衛將軍卒官諡曰靜子安世通事謁者熾弟晟長孫覽字休因性宏雅有器度喜怒不形於色畧涉書記尤曉鐘律周明帝時為大都督明帝以覽性質淳和堪為師表使事魯公甚見親善及魯公即位是為武帝起拜車

氏姓

卷百五十三

二十二養

長孫氏

三

騎大將軍每公卿上奏必令省讀覽有口辯聲氣雄壯凡所宣傳百寮屬目帝每嘉歎之覽初名善帝謂曰朕以萬機委卿先覽因賜名及誅宇文護以功進封薛國公累遷小司空從平齊進位柱國公武帝崩受遺輔政宣帝時位上柱國大司徒歷同涇二州刺史隋文帝為丞相轉宣州刺史開皇二年將有事於江南徵為東南道行軍元帥統入總管出壽陽水陸俱進師臨江陳人大駭會陳宣帝殂覽欲乘豐滅之監軍高頴以禮不伐喪乃還文帝命覽於安德王楊雄上柱國元諧李充左僕射高頴右衛大將軍虞慶則吳州總管賀若弼等同宴上曰朕昔在周朝備展誠節但苦被猜忌每致寒心為臣若此竟何情賴朕與公等共享終吉罪非謀逆一無所問朕亦知公至誠待太子宜數參見之柱臣素望實屬於公宜識朕意其恩禮如此

又爲蜀王秀納覽女爲妃後爲涇州刺史卒官子洪嗣位
宋順臨三州刺史司農少卿北平太守

長孫晟字季晟性通敏畧涉書記善彈工射趨捷過八年
十八任周爲司衛上士初未知名惟隋文帝一見深異焉
謂曰長孫武藝逸羣又多奇畧後之名將非此子邪及突
厥攝圖請婚周以趙王招女妻之周與攝圖各相誇競妙
選驍勇以充使者因遣晟副汝南公宇文神慶送千金公
主至其牙前後使人數十輩攝圖多不禮之獨愛晟每共
游獵留之竟歲嘗有二鷗飛而爭肉因以箭兩隻與晟請
射取之晟馳往遇鷗相攫遂一發雙貫焉攝圖喜命諸子
弟及貴人皆相親友冀昵近之以學彈射其弟處羅侯虓
突利設尤得衆心焉攝圖所忌密託心腹陰與晟盟晟與
之游獵因察山川形勢部衆強弱皆盡知之還拜奉車都

氏旌譜

卷百五十三

二十二卷 長孫氏

三

尉開皇元年攝圖曰我周家親也今隋公自立而不能制
何面目見可賀敦因與高寶寧攻陷臨渝鎮約諸面部落
謀共南侵文帝新立由是大懼修長城發兵屯北境命陰
壽鎮幽州虞慶則鎮并州屯兵爲之備晟先知攝圖玷厥
阿波突利等叔姪兄弟各統強兵俱號可汗分居四汗內
懷猜忌外示和同難以力征易可離間因上書上省表大
悅因召與語晟口陳形勢手畫山川寫其虛實皆如指掌
帝深嗟異皆納用焉因遣太僕元暉出伊吾道使詣玷厥
賜以狼頭纛謬爲欽敬玷厥使來引居攝圖使上反間既
行果相猜貳授晟車騎將軍出黃龍道擊破奚霫契丹
等遣爲鄉導得至虛羅侯所深布心腹計合開二年攝
圖號四十萬騎自幽州入至 聖破達奚長偏軍更欲
誘入隋厥不從引兵而去

說家字許靈攝圖曰

勒等反欲襲其牙攝圖乃懼迴兵出塞後數年突厥大入
發入道元帥拒之阿波至涼州與竇榮定戰賊帥累北時
晟爲偏將使謂之曰攝圖每來戰皆大勝阿波纔入便削
致敗此乃突厥之恥且攝圖之與阿波兵勢本敵今攝圖
日勝爲衆所崇阿波不利爲國生辱攝圖必常因此以罪
歸於阿波成其夙計滅北牙矣阿波使至晟又謂曰今達
頭與隋連和而攝圖不能制可汗何不依附天子連結達
頭相合爲強此萬全之計豈若喪兵負罪歸就攝圖受其
戮辱邪阿波納之因留塞上後使人隨晟入朝時攝圖與
衛王軍遇戰於白道敗走至磧間阿波懷貳乃掩北牙盡
獲其衆而殺其母阿波還無所歸西奔玷厥乞師十餘萬
東擊攝圖復得故地收散卒與攝圖相攻阿波頻勝其勢
益強攝圖又遣使朝貢公主自請改姓乞爲帝女上許之

氏姓譜

卷百五十三

二十二養

長孫氏

三

四年遣晟副虞慶則使於攝圖賜公主姓爲楊氏改封大
義公主攝圖奉詔不肯起拜晟進曰突厥與隋俱是大國
天子可汗不起安敢違意但可賀敦爲帝女則可汗是大
隋女婿奈何不敬婦公攝圖笑謂其達官曰須拜婦公乃
拜受詔使還稱旨授儀同三司左勳衛車騎將軍七年攝
圖死遣晟持節拜其弟處羅侯爲莫何可汗以其子雍閭
爲葉護可汗處羅侯因晟奏曰阿波爲天所滅與五六千
騎在山谷間當取之以獻時召文武議焉樂安公元諧曰
請就彼梟首以懲其惡武陽公李充請生將入朝顯戮而
示百姓上問晟晟曰阿波之惡非負國家因其困窮取而

恐

之道不

存之上曰善八年處羅侯死

住

二十三年流八楊

女謀欲反隋遣

維

以狀奏

晟往索欽雍閭欲勿與謬

遂迦共欽計議

空內無此。人晟乃貨其達官知欽所在夜掩獲之以示
雍閭因發公主私事國人大恥雍閭執遂迦等並以侍慶
便還上大喜加授開府仍遣入蕃泄殺大義公主十七年
秦干遣使隨晟來逆女以宗女封安義公主以妻之晟說
秦干南徙居度斤舊鎮雍閭疾之亟來抄畧染干伺知動
靜輒遣奏聞是以賊來每先有備十九年染干因晟奏雍
閭作攻具欲打大同城詔發六總管並取漢王節度分道
出塞討之雍閭懼復共達頭同盟合力掩襲染干大戰於
大長城下染干敗績其兄弟子姪盡見殺而部落亡散染
干地見獨以五騎遁夜南走至旦行百餘里收得數百騎

氏世譜

卷百五十二

二十二養

長孫氏

三

乃相與謀曰今兵敗入朝一降人耳大隋天子豈禮我乎
玷厥雖來本無寬隙若往投之必相存濟晟知懷貳乃密
遣使者入伏遠鎮令速舉烽染干見四烽俱發問晟城上
烽然何也晟給之曰城高地迥必遙見賊來我國家法若
賊少舉二烽來多舉三烽大逼舉四烽使見賊多而又近
耳染干大懼謂其眾曰追兵已逼且可投城既入鎮晟留
其達官執室以領其眾自將染干馳驛入朝帝大喜進晟
左勳衛驃騎將軍持節護突厥晟遣降虜覘候雍閭知其
牙內屢有災變夜見赤虹光照數百里天狗賈雨血三日
流星墜其營內有聲如雷每夜自驚言隋師且至並遣奏
知尋以染干爲意彌豆啟人可汗賜射於武安殿選善射
者十二人分爲兩朋啟人曰臣由長孫大使得見天子今
日賜射願入其朋許之給箭六發皆入鹿啟人之朋竟勝

上曰公善彈爲我取之十發俱中並應尤而
利城以處染干安義公主死持節送義城公主復以妻之
鼠又奏染干部落歸者旣衆雖在長城內猶被雍閭抄掠
往來辛苦不得寧居請徙五原以河爲固於夏勝兩州間
東西至河南北四百里掘爲橫塹令處其內任情放牧免
於抄掠人必自安上並從之二十年都藍大亂爲部下所
殺晟因奏曰賊內攜離其主被殺乘此招誘必並來降請
遣染干部下分頭招慰上許之果盡來附達頭恐怖又大
集兵詔晟部領降人爲秦州行軍總管取晉王廣節度出
討達頭達頭與王相抗晟進策曰突厥飲泉易可行毒因
取諸藥毒水上流達頭人畜飲之多死大驚曰天雨惡水
其亡我乎因夜遁晟追之斬首千餘級俘百餘口王大喜

氏姓譜

卷百五十三

二十二義

長孫氏

三五

引晟入內同宴極歡有突厥達官來降時亦預坐說言突
厥之內大畏長孫總管聞其弓聲謂爲霹靂見其走馬稱
爲閃電王笑曰將軍震怒威行域外遂與雷霆爲比一何
壯哉師旋授上開府儀同三司復遣還大和城安撫新附
仁壽元年晟表奏曰臣夜登城樓望見磧北有赤氣長百
餘里皆如雨足下垂被地謹驗兵書此名灑血其下之國
必且破亡欲滅匈奴宜在今日詔楊素爲行軍元帥晟爲
受降使者送染干北伐二年軍次河北逢賊帥思力俟斤
等領兵拒戰晟與大將軍梁默擊走之賊衆多降晟又教
染干分遣使者往北方鐵勒等部招攜取之三年有鐵勒
思結伏具渾斛薛阿拔僕骨等十餘部盡背達頭來降附
達頭衆大潰西奔吐谷渾晟送染干安置於磧口事畢入
朝遇文帝崩匿喪未發煬帝引晟於大行前委以內衙宿

衛知門禁事卽日拜左領軍將軍遇楊諒作逆救以本官
爲相州刺史發山東兵馬與李雄等共經畧之晟辭以子
行布在逆地帝曰公終不以兒害義其勿辭也於是馳遣
赴相州諒破追還轉武衛將軍大業三年煬帝幸榆林欲
出塞外陳兵耀武經突厥中指於涿郡仍恐染干驚懼先
遣晟往諭旨稱述帝意染干聽之因召所部諸國奚霫室
韋等種落數十酋長咸萃晟見牙中草穢欲令染干親白
除之示諸部落以明威重乃指帳前草曰此根大香染干
遽取嗅之曰殊不香也曰國家法天子行幸所在諸侯並
躬親洒掃耘除御路以表至敬之心今牙中蕪穢謂是留
香草耳染干乃悟曰奴罪過奴之骨月皆天子賜也得効
筋力豈敢有辭特以邊人不知法耳遂拔所佩刀親自芟
草其貴人及諸部落爭放効之乃發榆林北境至於其牙

氏姓譜

卷百五十三

二十二養

長孫氏

三

又東達於薊長三千里廣百餘步舉國就役而開制道帝
聞益喜焉後除淮陽太守未赴任復爲右驍衛將軍五年
卒年五十八帝悼惜之後突厥圍鴈門帝嘆曰向使長孫
晟在不令匈奴至此晟好奇計務立功名性至孝居憂毀
瘠爲朝士所稱大唐貞觀中追贈司空上柱國諡曰獻少
子無忌嗣其長子行布亦多謀畧有父風

長孫

長孫無忌字輔機文德皇后兄家世貴戚少好學該博文
史性通悟有籌畧與秦王爲布衣交義兵渡河進謁長春
官授渭北道行軍典籤從王征討有功擢比部郎中爵上
黨縣公委以腹心出入卧内隱太子密謀秦王無忌常問
辨何人也王曰瞻哲文明爲子則孝爲君則仁無忌曰使

卷

二十二養

長孫氏

三

長孫

杖受良有以也乃六月四日與尉遲敬德等九人入元武門討平內難功居第一昇備授左庶子卽位遷吏部尙書封齊國公廷臣上突厥攻取之策帝問無忌顧新與盟不取失機取之失信對曰國家務在戢兵待其寇邊乃可擊之臣謂按甲存信便帝然之旣以佐命元勳又地兼戚屬禮遇尤重進尙書右僕射或有言權寵過盛者帝持表示曰朕與卿君臣間無少疑設有聞不言久則生嫌因普示羣臣朕子幼無忌至戚有大功不可以疏新間親舊也已乃自懼盛滿懇辭機密皇后爲數言遂解僕射授開府儀同三司南郊還拜司空固辭不許因高士廉口陳懇欸帝堅意不從言其聰明鑒悟雅有武畧朕以其才行委之台鼎因作威鳳賦以賜且况其功貞觀十一年封建功臣命襲趙州刺史辭以羣臣披荆棘事陛下今四海寧一誠不

氏姓譜 卷百五十三 子養 長孫氏 三七

願疏遠左右世收外州與遷徙等帝曰割地定制願公等後嗣長爲藩翰而乃薄山河之誓翻爲怨讟安可彊公以土宇邪遂罷不行久之進位司徒畫功臣凌煙閣遂以爲首時儲極未定帝以承乾旣廢晉王又非次獨坐兩儀殿心無聊賴羣臣盡出留無忌曰我三子一弟未知所立因請問欲誰立帝曰晉王答曰謹奉詔帝乃顧王舅許汝矣王前拜謝帝復問未審天下以爲若何答曰王以仁孝聞天下當蹈舞同音豈有異哉儲議遂定尋加太子太師同中書門下三品帝嘗自言人苦不自知若以主聖臣直公宜面論攻朕過失謝曰陛下神武聖文冠卓千古臣等將順不暇誠不見有所失帝曰朕冀聞過公等專事諛悅朕當評公等可否以相規何如皆拜曰願聞過帝因各爲評騰帝有疾召入卧內受遺詔顧曰我有天下無忌力也後

勿令讒毀害之高宗卽位進太尉中書令與褚遂良悉心奉國以天下安危自任數進謀議咸優納之故永徽之政有貞觀風帝賓禮老臣恭已以聽朝綱整肅此皆兩人維持之力也旣而帝欲立武昭儀爲后恐無忌沮之密以金銀寶器錦繒爲賜以悅其意又幸其第擢三子皆爲朝散大夫昭儀母楊氏復詣其家許敬宗又數勸之咸厲色拒折未幾召與遂良并于志寧語昭儀旣立深銜無忌受賜而不助已許敬宗李義府揣后意指使洛陽人李奉節上變事與侍中辛茂傳致反狀帝驚且泣曰後世其謂我何敬宗以薄昭事動之帝乃下詔削官封安置黔州流其子冲等於嶺外後數月逼令自縊由是政歸武氏天下至今哀之上元元年追復官爵以曾孫翼襲封許還塋昭陵域中至文宗每覽國史未嘗不廢卷而歎開成三年以裔孫

氏姓譜

卷百五十三

子二養

長孫氏

三

鈞爲倚氏令

長孫敞字休明無忌從父也隋煬帝爲晉王敞以庫直從敞驪山王凌危逐鹿諫曰大王冒垂堂淫原獸可乎王遂正卽位頗見識擢及幸江都留守禁藥高祖入闕率子弟謁新豐授將作少監出爲杞州刺史貞觀初坐受賕免太宗以后屬歲私給廩償其費累封平原郡公卒贈幽州都督諡曰良陪塋昭陵

長孫操字元節無忌從父弟也父覽爲周大司徒薛國公操有學術初高祖辟署相國府金曹參軍未幾檢校虞州刺史從秦王征討常侍旁與聞秘謀徙陝州城中無井人勤於汲操爲醜河溜入城百姓利安以母喪解長老守關頽遺愛服除封樂壽縣男爲齊揚益三州刺史課皆最下詔褒揚永徽初以陝州刺史卒贈吏部尚書諡曰安

長孫詮操子也尚新城公主詮女兄爲韓瑗妻無忌得罪詮流鶴州有司希旨殺之詮有甥超持滿者工書善騎射力搏虎走逐馬而仁厚下士京師無貴賤愛慕之爲涼州長史嘗逐野馬射之矢洞於前邊人畏服詮之貶許敬宗懼持滿才能仇已追至京屬吏訊撈色不變曰身可殺爵不可枉吏代爲占死獄中

長孫恕貞觀中龍門令於縣東南鑿石壚渠溉田良沃畝收十石又於縣西鑿馬鞞塢渠

歷代列女

長孫后唐太宗后也好讀書造次必循禮法太宗深重之嘗與議賞罰后辭曰牝雞之晨惟家之索妾婦人安敢預聞政事固問之終不對后嘗採自古婦人得失事爲女則三十卷及崩宮司奏之帝覽之悲慟示近臣曰皇后此書

氏姓譜

卷百五十三

二十二養 長孫氏

三九

足以垂範萬世朕非不知天命而爲無益之悲但入宮不復聞規諫之言失一良佐故不能忘懷耳

長孫氏星子楊遺直妻生四子曰發假收嚴遺直客死姑蘇子皆幼長孫氏攜骨歸塋親授子五經後俱擢第發官至嶺南節度使假爲常州刺史收至宰相嚴爲翰林學士

爽鳩氏

左傳少昊氏官名國於齊土因氏焉

廣武氏

漢李左車封廣武君因氏焉

廣成氏

神仙傳廣成子居空同山

襄駟氏

壤駟赤字子徒秦人孔子弟子唐封北徵伯宋加封上

封侯

上成氏

見後漢書方術傳

歷代名賢

漢

上成公宓縣人也其初行久而不還後歸語其家云我已得僊因辭家而去家人見其舉步稍高良久乃没云陳寔韓韶同見其事

上聲

二十三

梗楊氏

見通志梗陽真漢侍御史

并官氏

見通志白癡魯先賢傳孔子娶宋之并官氏

氏姓譜

卷百五十三

二十三梗 上成氏至 月

罕

郚意氏

齊大夫郚意茲之後

歷代名賢

周

郚意茲齊大夫景公五十一年公及衛靈公次于垂葭使師伐晉將濟河諸大夫皆曰不可郚意茲曰可銳師伐河兩傳必數日而後及絳絳不三月不能出河則我既濟水矣乃伐河內公皆歛諸大夫之軒惟郚意茲乘軒悼公元年陳乞攻國夏高張高國敗郚意茲奔魯

上聲

十五有

有扈氏

夏諸侯國夏為扈商為崇其地在今永興鄆縣北三十里姓氏英賢傳曰有扈氏今為宏農人

秀尹氏

周莠尹然楚卿

趣馬氏

英賢傳曰周趣馬蹶之後趣馬恩漢南曹功

石史氏

古者石史記事周有石史武見宋衷世本

九百氏

姓苑云代縣九百里為小吏

曰季氏

見姓譜

友通氏

見通志

咎單氏

氏姓譜

卷百五十三

二十六寢

莠尹氏至

四

見姓苑

上聲

二十六寢

沈猶氏

沈猶行曾子弟子見孟子

沈尹氏

沈邑之尹官也沈姓沈尹之後世為之沈尹射沈尹赤

俱楚大夫

廩邱氏

齊大夫廩邱子之後見世本英賢傳有廩邱充齊隱者

上聲

二十七感

贛婁氏

周有贛婁子

氏姓譜卷百五十三終

